

四庫全書

經部

欽定四庫全書

經部

左傳杜林合注卷二十四至

七

詳校官監察御史_臣祝德麟

給事中_臣溫常綬覆勘

總校官編修_臣王燕緒

校對官中書_臣牛綸文

謄錄監生_臣趙寅

欽定四庫全書

左傳杜林合注卷二十四

明

王道焜

趙如源 同編

成公四

經 丙戌十有六年春王正月雨水冰

無傳記寒過節水封
著樹。雨水冰如字

公羊傳云雨而水
冰也傳子付反

○夏四月辛未滕子卒

杜不書名未
同盟林文公

卒成公
原立

○鄭公子喜帥師侵宋

杜喜穆公
子子罕也

○六月丙寅

朔日有食之

無傳

○晉侯使欒黶來乞師

杜將伐鄭黶欒
書子。黶於斬

反徐於
站反

○甲午晦晉侯及楚子鄭伯戰于鄢陵楚子鄭

師敗績

杜楚師未大崩楚子傷目而退故曰楚子敗績
鄢陵鄭地今屬潁川郡○鄢渴晚反又於建反

○楚殺其大夫公子側

側子反背盟無禮
卒以敗師故書名

○秋公會晉

侯齊侯衛侯宋華元邾人于沙隨

杜沙隨宋地梁國寧
陵縣北有沙隨亭

不見公

不及鄢陵戰故不
諱者恥於執止

○公至自會

無傳

○公會尹子

晉侯齊國佐邾人伐鄭

杜尹子王卿士子爵林
於是始以王臣與伐

○曹伯

歸自京師

杜為晉侯所赦故書歸諸侯歸國或書名或
不書名或言歸自某或言自某歸傳無義例

從告

○九月晉人執季孫行父舍之于莒丘

莒丘晉地
舍之莒丘

明不以歸不攝行人
○冬十月乙亥叔孫僑如出奔齊
非使人○若音條

杜公未歸命
○十有二月乙丑季孫行父及晉卻犇盟

于扈
晉許魯平故盟
○公至自會
無傳伐而以會致史異文
○乙酉刺公子

偃
魯殺大夫皆言刺義取於周禮三刺之法○刺本又作刺七賜反爾雅云殺也

傳十六年春楚子自武城使公子成以汝陰之田求成

于鄭
杜汝水之南近鄭地
鄭叛晉子駟從楚子盟于武城
杜為晉伐鄭起

○夏四月滕文公卒鄭子罕伐宋
滕宋之與國鄭因滕有喪而伐宋故傳舉

滕侯卒侵伐經傳異文經從古傳言實他皆放此
宋將鉏樂懼敗諸洧陂
杜敗鄭師

也樂懼戴公六世孫將鉏樂氏族○鉏
仕魚反灼七樂反徐音酌陂彼宜反

退舍於夫渠不

敵

宋帥不敵簡○夫
音扶敵京頤反

鄭人覆之

林鄭人乘其不備覆而掩之○覆徐數目反又

苦又反

敗諸洧陵獲將鉏樂懼宋恃勝也

杜洧陂夫渠洧陵皆宋地○

衛侯伐鄭至于鳴雁為晉故也

杜鳴雁在陳留雍丘縣西北○為于偽反○

晉侯將伐鄭范文子曰若逞吾願諸侯皆叛晉可以逞

逞快也晉厲公無道三卻驕故
欲使諸侯叛冀其懼而思德

若唯鄭叛晉國之憂可

立侯也樂武子曰不可以當吾世而失諸侯

林言不可
以當我執

政之世而
失諸侯

必伐鄭乃興師樂書將中軍士燮佐之

庚代荀

卻錡將上軍

代士變

荀偃佐之

杜代御錡偃荀庚子

韓厥將下軍卻

至佐新軍荀罃居守

荀罃下軍佐於是卻犇代趙旃將新軍新上下軍罷矣。守手又反

卻犇如衛遂如齊皆乞師焉樂廩來乞師孟獻子曰有

勝矣

杜卑讓有禮故知其將勝楚

戊寅晉師起鄭人聞有晉師使告

于楚姚句耳與往

杜句耳鄭大夫與往非使也為先歸張木。句古候反與音預

楚子

救鄭司馬將中軍

杜子反

令尹將左

杜子重

右尹子辛將右

杜公子子夫

過申子反八見申叔時

叔時老在申過古未反

曰師其何

如對曰德

林澤也

刑

林法也

詳

林祥也

義

林宜也

禮

林理也

信

林實也

戰之器也

杜器猶用也林有此六者則可以戰如器用之不可闕

德以施惠刑以

正邪詳以事神義以建利禮以順時信以守物

林德澤可以施

恩惠于民刑法可以正奸邪于國詳以事神則休祥降義以建利則利皆得宜人皆知禮則順時而動不妄入

皆知信則守物而事無失。邪似嗟反

民生厚而德正

杜財足則思無邪林德以施惠故民

生雷厚刑以正邪故民德歸正

用利而事節

杜動不失利則事得其節林義以生利故民用自利祥

以事神故祀事有節

時順而物成

杜羣生得所林禮以順時故民時皆順信以守物故百物用成

上下和睦周旋不逆

杜動順理

求無不具

杜上下應上

各知其極

林極

中也各知其中無有亂心

故詩曰立我烝民莫匪爾極

杜烝衆也極中也詩頌言

先王立其民民無不是以神降之福時無災害民生敦
得中正。○燕之乘反。

龐和同以聽

杜敦厚也。龐大也。林和同以心。惟君上之為聽。○龐莫邦反。

莫不盡力

以從上命致死以補其闕

杜闕戰死者。

此戰之所由克也今

楚內棄其民

杜惠不施。

而外絕其好

杜義不達。利。好呼報反。

潰齊盟

杜不

詳事神。○

而食話言

杜信不守物。○話戶快反。

奸時以動

杜禮不順。時周四月。

今二月妨農。○

而疲民以逞

杜刑不正邪而苟快意。○疲本亦作罷音皮。

民不

知信進退罪也人恤所底其誰致死

林民不知君上之信或進或退皆陷。

罪戾不知所從人各憂恤其所底至之地其誰肯致死力以與晉戰。○底徐音旨又之履反。

子其勉

之吾不復見子矣

言其必敗不反。一本無復字復扶又反。

姚句耳先歸

子駟問焉對曰其行速過險而不整速則失志

言不思慮也

不整喪列志失列喪將何以戰楚懼不可用也

杜楚救鄭之師

恐不可用也。喪息浪反下同。

五月晉師濟河聞楚師將至范文子欲

反曰我偽逃楚可以紓憂

杜紓緩也林言我詐為畏怯逃避楚兵君臣修省可以緩

晉國之憂。紓音舒。

夫合諸侯非吾所能也以遺能者我若羣臣

輯睦以事君多矣武子曰不可六月晉楚遇於鄢陵范

文子不欲戰卻至曰韓之戰惠公不振旅

杜衆散敗也在僖十五年

○遺唯季反輯音集又七八反

箕之役先軫不反命

杜死於狄也在
僖三十三年

邲

之師荀伯不復從

杜荀林父奔走不復故道在宣
十二年○從徐子容反或如字

皆晉

之恥也子亦見先君之事矣

杜見先君
成敗之事

今我避楚又益

恥也文子曰吾先君之亟戰也有故

亟數也○
孟去吏反

秦狄齊

楚皆彊不盡力子孫將弱今三彊服矣

杜齊
秦狄

敵楚而已

唯聖人能外內無患自非聖人外寧必有內憂蓋釋楚

以為外懼乎

林聖人安不忘危治不忘亂故外患既息
內患不生至於中才常主外患既平未有

不以驕亢而生在內之憂患者何不姑
釋楚患不治以為晉君之敵國外患乎

甲午晦楚晨壓

晉軍而陳

杜歷乘其未備。○歷於甲反。徐於軌反。陳直覲反。下同。

軍吏患之范句

趨進

杜句士變子。○句古害反。

曰塞井夷竈陳於軍中而疏行首

林軍

屯必鑿井結竈以自結。今為楚歷晉軍戰地。迫狹故自塞其井。自平其竈。以為戰地。楚歷晉軍不可出。陳故結

陳於晉之軍中。杜疏行首者。當陳前決。開營壘為戰道。○行戶郎反。又如字。

晉楚唯天所授

何患焉。文子執戈逐之曰。國之存亡。天也。童子何知焉。

林其父執戈以逐范句。怒其多言。言晉軍勝楚是天威。晉於亂亡。晉軍不勝是天俾。晉以安存童子豈知此意。

樂書曰。楚師輕窵

林窵亦輕也。○窵勅彫反。又勅弔反。

固壘而待之三日

必退退而擊之。必獲勝焉。卻至曰。楚有六間。不可失也。

其二卿相惡

林子重子反二卿相惡不和一問也。惡如字又鳥路反。

王卒以舊

林楚

王之親兵罷老不代二問也。卒子忽反下皆同。

鄭陳而不整

林鄭師從楚雖成陣而不整齊

三問

蠻軍而不陳

林蠻夷從楚雖成軍而不結陣四問也。

陳不違晦

林晦月終

陰盡兵家所忌今楚歷晉軍而陳不避晦日五問也。

在陳而踰

杜踰喧嘩也。踰許驕反徐讀曰數

五高反

合而加蹢

杜陳合宜靜而益有聲。

各顧其後莫有鬪心

林人所

底各懷後顧莫有戰鬪之心六問也。

舊不必良

林王卒以舊必非精兵。

以犯天忌我

必克之楚子登巢車以望晉軍

杜巢車車上為檣。巢說文作輶云兵車高如

巢以望敵也。

子重使大宰伯州犂侍于王後

杜州犂晉伯宗子前年奔楚。

大音

王曰騁而左右何也

林言晉軍有騁走者或左或右何也

曰召軍吏

也

林軍吏散居軍中故左右走而召之

皆聚於中軍矣曰合謀也張幕矣

曰虔卜於先君也

杜虔敬也○幕音莫

徹幕矣曰將發命也甚蹢

且塵上矣曰將塞井夷竈而為行也

杜夷平也○上時掌反行戶郎反下

公行

皆乘矣左右執兵而下矣曰聽誓也

左將帥右車右○乘繩證

反下

戰乎曰未可知也乘而左右皆下矣曰戰禱也

杜禱

請於鬼神○禱丁老反或丁報反

伯州犂以公卒告王

杜公晉侯林伯州犂晉人知晉

之情故以晉侯之卒告其王

苗賁皇在晉侯之側亦以王卒告

杜賁皇楚

圖椒子宣四年奔晉林賁皇知楚之情
故亦以楚王之卒告晉侯。賁扶云反
皆曰國士在且

厚不可當也

杜晉侯左右皆以伯州犁在楚知晉之情
且謂楚衆多故憚合戰與苗賁皇意異

苗賁皇言於晉侯曰楚之良在其中軍王族而已請分

良以擊其左右而三軍萃於王卒

林請分晉精兵以擊
楚之左右二軍既擊

楚左右軍乃以晉三軍聚合而擊楚
中軍之王卒杜萃集也。萃以醉反必大敗之公筮之

史曰吉其卦遇復

䷗

杜震下坤
上復無變

曰南國蹙射其元王中

厥目

杜此卜者辭也復陽長之卦陽氣起于南行推陰
故曰南國蹙也南國勢蹙則離受其咎離為諸侯

又為目陽氣激南飛矢之象故曰射其元王中厥
目。蹙子六反射食亦反下射之同中丁仲反

國蹙

王傷不敗何待公從之

從其言而戰

有淖於前

杜淖泥也。淖乃孝反。徐

徒較反

乃皆左右相違於淖

杜連避也。林晉師乃皆左右行相違避於淖。

步毅

御晉厲公欒鍼為右

步毅即御較

彭名御楚共王潘黨為右

石首御鄭成公唐苟為右欒范以其族夾公行

杜二族強故在

公左右。共音恭。夾古洽反。

陷於淖欒書將載晉侯

林晉厲公之車陷於泥淖中。欒

書見公車陷淖故欲載晉侯以行。

鍼曰書退國有大任焉得專之

杜在君前

故子名其父大任謂元帥之職。林言書既當大任又安得專命復為我御。焉於虔反。

且侵官冒

也

杜載公為侵官。冒莫報反。徐莫北反。

失官慢也

杜去將而御失官也。

離局姦也

杜遠其部曲為離局。離力智反。

有三罪焉不可犯也乃掀公以出於

淖杜掀舉也。掀徐許言反云捧載舉之則公軒起也又丘近反

癸巳潘厯之黨與養

由基蹲甲而射之徹七札焉

杜黨潘厯之子蹲聚也一發達七札言其能陷堅。

厯烏黃反蹲在尊反徐在損反又才言反禮側八反徐側乙反以示王曰君有二臣如

此何憂於戰杜二子以射參王

王怒曰大辱國杜賤其不尚知謀詰朝

爾射死藝杜言女以射自多必當以藝死也詰朝猶明朝是戰日。朝如字呂錡夢射

月中之退八於泥呂錡魏錡。射食亦反中丁仲反下皆同占之曰姬姓日

也杜周世姬姓尊異姓月也杜異姓卑必楚王也射而中之退八於

泥亦必死矣

杜錡自入泥亦死象

及戰射共王中目王召養由基

與之兩矢使射呂錡中項伏弋

杜弋衣林中呂錡之項伏於弓衣而死○項

戶講反弋他刀反

以一矢復命

杜言一發而中

卻至三遇楚子之卒見

楚子必下免胄而趨風

林免其首胄而趨走疾如風皆致恭

楚子使工尹

襄問之以弓

杜問遺也林工尹楚官名襄楚共王使遺御至以弓答其意

曰方事之

殷也

杜殷盛也

有韎韐之跗注君子也

杜韎赤色跗注戎服若袴而屬於跗與袴

連林韋熟皮也○韎莫拜反又音林徐莫蓋反附方于反注之樹反

識見不穀而趨無乃

傷乎

杜恐其傷林此皆問勞御至之辭

卻至見客免胄承命

林免胄以承楚王之

命示

曰君之外臣至從寡君之戎事以君之靈間蒙甲

宵

間猶近也

不敢拜命

林禮介者不拜介甲也故不敢拜楚君之命

敢告不寧君

命之辱

杜以君辱賜命故不敢自安

為事之故敢肅使者

杜言君辱命女問以

有軍事不得答故肅使者肅手至地若今擡口為于為反使所吏反下同

三肅使者而退晉

韓厥從鄭伯

杜從也

其御杜濶羅曰速從之其御屢顧不

在馬可及也

林鄭伯之御屢回顧心不在御馬逐之可及口濶戶昏戶本二反

韓厥曰

不可以再辱國君乃止

杜二年戰戰韓厥已辱齊侯

卻至從鄭伯其

右第翰胡曰諜輅之余從之乘而俘以下

杜欲遣輕兵單進以距鄭

伯車前而自後登其車以執之。○第府勿反。卻至曰傷國。

君有刑亦止石首曰衛懿公唯不去其旗是以敗於熒

乃內旌於弢中

熒戰在閔二年。○去起呂反。熒戶局反。旌音精。

唐苟謂石首曰

子在君側敗者壹大我不如子子以君免我請止乃死

杜敗者壹大謂君大崩也言石首亦君之親臣而執御與車右不同故首當御君以退已當死職

楚師

薄於險

杜薄迫也

叔山冉謂養由基曰

林叔山冉楚人

雖君有命為

國故子必射

杜王有死藝命。○冉如矢反為于偽反

乃射再發盡殪

林殪死也

言所射盡死矢無虛發。○殪於計反。叔山冉搏人以投中車折軼晉師乃

止

林叔山冉以手搏晉人以投其車中晉人之車而折其軾杜言二子皆有過人之能○搏音搏中丁仲反

折之設反又市列反試音式

囚楚公子茂

為卻至見譖張本○茂扶廢反

樂鍼見子

重之旌請曰楚人謂夫旌子重之麾也彼其子重也

林言

楚人請夫所見之旌旗令尹子重之麾節也彼其子重之所在也○夫音扶麾許危反

曰臣之使

於楚也子重問晉國之勇臣對曰好以衆整

林言晉國好以整齊

軍旅為勇○使所吏反好手報反下皆同

曰又何如

杜又問其餘

臣對曰好以暇

林雖急遽之中好以閒暇為勇

今兩國治戎行人不使不可謂整臨事

而食言不可謂暇

林兵交使在其間今不使行人使子楚不可謂之整齊如一臨事而消食

其好整之言不可謂之閒暇不迫

請攝飲焉

杜攝持也持飲往飲子重

公許之使行

人執榼承飲造于子重

林榼飲器杜承奉也榼苦臘反造七報反

曰寡君

之使使鍼御持矛是以不得犒從者使其攝飲

林使行人致辭

車右主擎刺持矛其職也故云使樂鍼侍君子而持矛某行人名○犒若報反從才用反

子重曰夫

子嘗與吾言於楚必是故也不亦識乎

林不亦識於禮乎杜知其以往

言好暇故致飲

受而飲之免使者而復鼓

林免脫也既脫使者而復鳴鼓

旦而

戰見星未已子反命軍吏察夷傷

杜夷亦傷也

補卒乘

杜補死亡

○乘繩登反下同

繕甲兵

杜繕治也

展車馬

杜展陳也

雞鳴而食唯命是

聽復欲戰

晉人患之苗賁皇徇曰蒐乘補卒

林蒐闔車乘補益士卒

徇似俊反蒐所留反

秣馬利兵

林秣穀戰馬修利兵器○秣音末

脩陳固列

林脩明行

陳堅固伍列○陳直觀反又如字

蓐食申禱

林食於寢蓐之間申重祈祝○蓐音辱

明日

復戰乃逸楚囚

杜逸縱也

王聞之召子反謀穀陽豎獻飲於

子反子反醉而不能見

穀陽子反內豎○見賢遍反

王曰天敗楚也

夫余不可以待乃宵遁晉入楚軍三日穀

杜食楚粟三日也○夫音

扶范文子立於戎馬之前曰君幼諸臣不佞

佞才也

何以

及此君其戒之

一戒勿驕

周書曰惟命不于常有德之謂

杜周

書康誥言勝無常命惟德是與

楚師還及瑕杜瑕楚地

王使謂子反曰先大

夫之覆師徒者君不在

杜謂子玉敗城濮時王不在軍○覆芳服反

子無以

為過不穀之罪也

林言今共王自在軍中子反無以為過杜王引過亦所以責子反

子反再拜稽首曰君賜臣死且不朽臣之卒實奔臣

之罪也

林時子反為中軍帥故言臣之卒實奔○卒從此已前皆子忽反

子重使謂子

反曰初隕師徒者而亦聞之矣盍圖之

林而汝也言初時子玉隕喪師

徒汝亦聞子玉自戕之事矣何不圖謀其事今

對曰雖

微先大夫有之大夫命側側敢不義

林大夫謂子重也側子反名言雖無

先大夫子玉自殺之事子重以義責我已敢不引義自裁側亡君師敢忘其死王使

止之弗及而卒戰之日齊國佐高無咎至于師無咎高固子

衛侯出于衛

林衛獻公亦以是日出師於衛

公出于壞隤

杜壞隤魯邑齊衛皆後非

獨魯明晉以僑如故不見公。壞戶怪反徐音懷隤走回反。

宣伯通於穆姜

林宣伯即僑如

杜穆姜成公母

欲去季孟而取其室

杜季文子孟獻子

將行

林成公將去會晉師

穆姜送公而使逐二子公以晉難告

杜會晉伐鄭難乃旦反曰請

反而聽命姜怒公子偃公子鉏趨過

杜二子公庶弟鉏仕居反

指

之曰女不可是皆君也

言欲廢公更立君。女音汝

公待於壞隤申

宮徹備設守而後行是以後

林申重公宮徹戒守備設置留守而後去會晉師是

以後於晉楚戰期○徹京領反守手又反

使孟獻子守于公宮

林此即上文所謂設守

秋會于沙隨謀伐鄭也

鄭猶未服

宣伯使告卻犇曰魯侯待

于壞隤以待勝者

林觀晉楚之勝負待勝者以從之

卻犇將新軍且為

公族大夫以主東諸侯

杜主齊魯之屬

取貨于宣伯而訴公于

晉侯

林訴猶謂也而有緩急之異此訴公於晉侯蓋膚受也

晉侯不見公○曹人

請于晉曰自我先君宣公即世

在十三年

國人曰若之何憂

猶未弭

弭息也既葬國人皆將從子臧所謂憂未息○弭亡氏反

而又討我寡君

杜前

年晉侯
執曹伯

以亡曹國社稷之鎮公子

杜謂子臧逃奔宋

是大泯曹

也杜泯滅也

先君無乃有罪乎

言今君無罪而見討得無以先君故

若有罪則

君列諸會矣

諸侯雖有篡弑之罪侯伯已與之會則不復討前年會于戚曹伯在列盟畢乃執之

故曹人以爲無罪

君唯不遺德刑以伯諸侯豈獨遺諸敝邑敢

私布之

林遺失也言晉君惟不失其德刑以爲諸侯方伯豈獨以執曹伯之故而失德刑於敝邑杜爲

曹伯歸不以名告傳伯如字又音霸

○七月公會尹武公及諸侯伐鄭

將行姜又命公如初

林姜即穆姜杜預欲使公逐季孟

公又申守而行

諸侯之師次于鄭西我師次于督揚不敢過鄭

杜督揚鄭東地

林畏鄭強故不敢過鄭○守子叔聲伯使叔孫豹請逆

于晉師

豹叔孫僑如弟也僑如於是遂作亂豹因奔齊

為食於鄭郊

林聲伯為食于鄭之

郊師逆以至

聲伯戒叔孫以必須所逆晉師至乃食

聲伯四日不食以待

之食使者而後食

林晉逆四日不至聲伯凡四日不食以待之使者豹之介及晉逆既至聲

伯又先食豹之介而後聲伯自食言其忠也○食音嗣使所吏反

諸侯遷于制田

杜熒楊宛

陵縣東有制澤林伐鄭之師遷屯于此

知武子佐下軍

杜武子荀瑩

以諸侯之

師侵陳至于鳴鹿

杜陳國武平縣西南有鹿邑

遂侵蔡未反

杜侵陳蔡不書

公不與

諸侯遷于潁上戊午鄭子罕宵軍之

林鄭子罕以夜攻諸侯之

軍

宋齊衛皆失軍

杜將士與軍相失
宋衛不書後也

曹人復請于晉

侯謂子臧反吾歸而君

以曹人重
子臧故

子臧反曹伯歸

杜子臧自

宋還

子臧盡致其邑與卿而不出

林子臧盡致其祿邑與卿之職守於君而不出

社

○宣伯使告卻犢曰魯之有季孟猶晉之有欒范也

政令於是乎成

林言魯國政令成於季孟猶晉國政令成於欒范

今其謀曰晉

政多門不可從也

林言晉國政令不一出於多門不可從其命令

寧事齊楚有

亡而已蔑從晉矣

蔑無也

若欲得志於魯請止行父而殺

之

杜行父季文子也

我斃蔑也

蔑孟獻子時留守公宮○斃婢世反

而事晉蔑有

貳矣

林無有貳心也

魯不貳小國必睦不然歸必叛矣九月晉

人執季文子于茗丘

林用僑如之譖

公還待于鄆

鄆魯西邑東郡康丘縣東

有鄆城

使子叔聲伯請季孫于晉卻犇曰苟去仲孫蔑而

止季孫行父吾與子國親於公室

杜親魯甚於晉公室○去起呂反

對

曰僑如之情子必聞之矣

杜聞其淫惡情

若去蔑與行父是大

棄魯國而罪寡君也若猶不棄而惠徼周公之福使寡

君得事晉君則夫二人者魯國社稷之臣也

林二子存亡關於魯

之社稷故謂魯國社稷之臣○夫音扶

若朝亡之魯必夕亡

林夕隨之亡屬於他國○

朝如

以魯之密邇仇讎

杜仇讎謂齊楚

亡而為讎治之何及

杜言

魯屬齊楚則還為晉讎

卻驪曰吾為子請邑對曰嬰齊魯之常隸

也

林卻驪喜聲伯之言故欲為聲伯請益祿邑嬰齊聲伯名杜隸賤官。為子為反

敢介大國

以求厚焉

林敢因介於晉之大國以自求富貴

承寡君之命以請

承奉也

若

得所請吾子之賜多矣又何求范文子謂樂武子曰季

孫於魯相二君矣

杜二君宣成相息亮反

妾不衣帛馬不食粟可

不謂忠乎信讒慝而棄忠良若諸侯何

林謂受僑如之謂執季孫之賢

必為諸侯之所譏也。衣於既反食舊如字對上句應作嗣音

子叔嬰齊奉君命無私

杜不受卻

謀國家不貳

杜謂四日不食以堅事晉

圖其身不忘其君

辭邑不食皆先君而後身

若虛其請是棄善人也

林善人謂聲伯

子其圖之

乃許魯平赦季孫冬十月出叔孫僑如而盟之僑如奔

齊

諸大夫共盟以僑如為戒

十二月季孫及卻犇盟于扈歸刺公子

偃

偃與鉏俱為姜所指而獨殺偃偃與謀

召叔孫豹于齊而立之

杜近此七月聲

伯使豹請逆於晉聞魯人將討僑如豹乃辟其難先奔齊生二子而魯乃召之故襄二年豹始見經傳於此因

言其終

○齊聲孟子通僑如杜聲孟子齊靈公母朱女使立於高國之

間

杜位比二卿

僑如曰不可以再罪

林僑如自以在魯淫于穆姜得罪不可在齊再

以謬子聾孟子得罪奔衛亦間於卿傳亦終言僞如之倭○間徐音間廁之間讀者或如字

○晉侯使卻至獻楚捷于周與單襄公語驟稱其伐杜

功也單子語諸大夫曰溫季其亡乎林溫季即卻至食邑於溫季其字言將有

減亡之禍○位於七人之下杜佐新軍位在八而求掩其上杜

已之伐掩上功怨之所聚亂之本也多怨而階亂何以在位林

怨而多是階他人為亂何以久在其位言必亡也夏書曰怨豈在明不見是圖

杜逸書也不見細微也林夏書五子之歌言民怨豈在於明白之時當及其未見而圖度之○見賢通反又如

字將慎其細也今而明之其可乎杜言卻至顯稱已功所以明怨咎林為明

年晉殺
三卻傳

經

丁亥

十有七年春衛北宮括帥師侵鄭

杜括成公會孫。括古活。

反

○夏公會尹子單子晉侯齊侯宋公衛侯曹伯邾人

伐鄭

杜晉未能服鄭故假天子威周使二卿會之晉為兵主而猶先尹單尊王命也單伯稱子蓋降爵

○六月乙酉同盟于柯陵

杜柯陵鄭西地言同盟尹單與盟之辭也。柯古河反。

○秋公至自會

無傳

○齊高無咎出奔莒○九月辛丑用

郊

無傳九月郊祭非禮明矣書用郊從史文

○晉侯使荀罃來乞師

無傳將伐鄭

○冬公會單子晉侯宋公衛侯曹伯齊人邾人伐鄭

杜鄭

猶未服
故也

○十有一月公至自伐鄭無傳○壬申公孫嬰齊

卒子貍脹

杜十一月無壬申日誤也貍脹闕○貍力之反脹市軫反

○十有二月丁

巳朔日有食之

無傳

○邾子貍且卒

杜無傳五同盟林定公卒宣公慍立○貍

俱縛反徐居碧反且字餘反

○晉殺其大夫卻錡卻犢卻至○楚人

滅舒庸

傳十七年春王正月鄭子駟侵晉虛滑

虛滑晉二邑滑故滑國為秦所

滅時屬晉後屬周○虛起居反

衛北宮括救晉侵鄭至于高氏

杜不書救以侵

告高氏在陽翟縣西南

夏五月鄭大子髡頑侯孺為質於楚

林侯孺鄭

大夫鄭懼晉故使二子為質於楚
○髡苦門反孺乃侯反質音致

楚公子成公子寅成

鄭

林楚使二子
戍鄭以備晉

○公會尹武公單襄公及諸侯伐鄭自

戲童至于曲洧

杜今新汲縣治曲洧城臨洧
水○戲許宜反洧于軌反

晉范文子

反自鄢陵

杜前年鄢
陵戰還

使其祝宗祈死

杜祝宗主祭祀祈
禱者林祝大祝宗

宗人曰君驕侈而克敵是天益其疾也

林言晉厲公本自
驕侈而又克勝強

敵是天益晉侯驕侈之疾
也○侈尺氏反又尸氏反

難將作矣愛我者唯祝我使

我速死無及於難范氏之福也六月戊辰士燮卒

傳言
厲公

無道故賢臣憂懼因禱自我
○難乃旦反下同祝之又反

乙酉同盟于柯陵尋戚

之盟也

戚盟在十五年

○楚子重救鄭師于首止

林首止

諸侯

還

畏楚強

○齊慶克通于聲孟子與婦人蒙衣乘輦而入

于闕

杜慶克慶封父蒙衣亦為婦人服與婦人相冒闕巷門○與如字徐音預闕音宏

鮑牽見

之以告國武子

鮑牽鮑叔牙之曾孫

武子召慶克而謂之

林召慶克而告

之使改其所為

慶克久不出

杜慙卧於家夫

而告夫人曰國子

謫我

謫譴責也○謫直羊反

夫人怒國子相靈公以會

杜會伐鄭○相息亮

同反下

高鮑處守

杜高無咎鮑牽○守手又反

及還將至閉門而索客

杜蒐索備姦人○索所白反

孟子訴之曰高鮑將不納君而立公子

角國子知之

角項公子

秋七月壬寅則鮑牽而逐高無咎無

咎奔莒高弱以盧叛

林斷足為別杜弱無咎子盧高氏邑○則音月又五刮反

齊人

來召鮑國而立之

杜國牽之弟文子

初鮑國去鮑氏而來為施

孝叔臣

林先時鮑國去齊鮑氏而來魯為施孝叔家臣

施氏卜宰匡句須吉

杜

立冢宰

林匡句須亦施氏家臣卜兆告吉○句其俱反

施氏之宰有百室之邑

施林

氏有百室之邑以

與匡句須邑使為宰以讓鮑國而致

邑焉

林匡句須以宰讓鮑國且致其邑不受

施孝叔曰子實吉對曰能與

忠良吉孰大焉

林能以職位遜與忠良其為吉莫大於此

鮑國相施氏忠故

齊人取以為鮑氏後仲尼曰鮑莊子之知不如葵葵猶

能衛其足

杜葵傾葉向日以蔽其根言鮑牽居亂不能危行言孫○知音智

○冬諸侯

伐鄭

杜前夏未得志故

十月庚午圍鄭楚公子申救鄭師于汝

上十一月諸侯還

不書圍畏楚救不成圍而還

初聲伯夢涉洹

杜洹水出

汲郡林慮縣東北至魏郡長樂縣入清水○洹音桓一音桓今上俗音袁

或與已瓊瑰食之

杜瓊玉瓊珠也食珠玉含象○瓊求營反瑰古回反

泣而為瓊瑰盈其懷

杜淚下化為珠

玉滿其懷

從而歌之曰濟洹之水贈我以瓊瑰歸乎歸乎瓊

瑰盈吾懷乎

杜從就也夢中為此歌林再言歸乎必死之兆

懼不敢占也還自

鄭士申至于狸脈而占之曰余恐死故不敢占也今衆

繁而從余三年矣無傷也

林衆人繁多而從於我又過三年矣言其夢無傷於已或

應在他事

言之之莫而卒

杜博戒數占夢。莫音暮。

○齊侯使崔杼為大

夫使慶克佐之帥師圍廬

杜討高弱。抒直呂反。

國佐從諸侯圍

鄭以難請而歸

杜請於諸侯。難乃旦反下同。

遂如廬師殺慶克以穀

叛

杜疾克淫亂故殺之。

齊侯與之盟于徐闕而復之十二月廬降

使國勝告難于晉待命于清

杜勝國佐子使以高氏難告晉齊欲討國佐故留其

子於外清陽平樂縣是為明年殺國佐傳。降戶江反。

○晉厲公侈多外嬖

杜外嬖愛

幸大夫。○反自鄢陵欲盡去羣大夫而立其左右。林自

後歸愈驕侈欲盡去晉之諸大夫而立其嬖。幸左右之人杜終如士燮言。○去起呂反。胥童以胥

克之廢也怨卻氏。杜重胥克之子宣八年卻缺廢胥克。而嬖於厲公卻錡

奪夷陽五田五亦嬖於厲公卻犇與長魚矯爭田執而

梏之。杜梏械也林足械曰梏。○矯居表反梏古嘉反。與其父母妻子同一轅。杜繫

之車轅林既卒矯亦嬖於厲公樂書怨卻至以其不從

已而敗楚師也欲廢之。杜鄢陵戰樂書欲固壘卻至言楚有六間以取勝也。使楚

公子茂告公曰此戰也卻至實召寡君。杜鄢陵戰晉囚公子茂以歸。

卻至嘗使楚故言卻至實召楚君

以東師之未至也

杜齊魯衛之師

與軍帥之

不具也曰此必敗

杜荀蓄佐下軍居守卻驪將新軍乞師故言不具林以東方諸侯之師未

至晉之軍帥不備卻至且曰

吾因奉孫周以事君

周晉

此後晉必敗。帥所類反

公告樂書書曰其有焉不然

襄公曾孫悼公也言卻欲因晉敗立孫周以事楚君

公告樂書書曰其有焉不然

豈其死之不恤而受敵使乎

杜謂鄢陵戰時楚子問卻至以弓。使所吏反君

盍嘗使諸周而察之

杜嘗試也林言晉君何不試使卻至奉使於周室而察其有無欲奉

孫周之意時孫周在周故云。盍戶臘反使所吏反又如字

卻至聘于周樂書使孫

周見之公使覘之信

杜覘伺也林果見有卻至孫周交通之跡。覘勑廉反

遂怨

卻至厲公田與婦人先殺而飲酒後使大夫殺

林田獵之禮尊

者先殺杜傳言厲公無道先婦人而後卿佐

卻至奉豕

杜進之於公

寺人孟張奪

之

杜寺人卷士

卻至射而殺之公曰季子欺余

杜季子卻至公反以為卻

至奪孟張豕○射食亦反

厲公將作難

林將作禍難去諸大夫

胥童曰必先三

卻族大多怨

林其族既大又且多怨

去大族不偏

杜不偏公室○偏彼力反下同

敵多怨有庸

杜計多怨者易有功

公曰然卻氏聞之卻錡欲攻公

曰雖死君必危

林言雖無攻而死厲公亦必危亡

卻至曰人所以立信

知勇也信不叛君知不害民勇不作亂失茲三者其誰

與我死而多怨將安用之

杜言俱死無多用其怨答。知音智下同。

君實有

臣而殺之其謂君何

林言不可如君何

我之有罪吾死後矣若

殺不辜將失其民

林我若有罪而見殺吾之死已晚矣若殺無罪之人則民心不服君將自

失其民

欲安得乎

杜言不得安君位

待命而已受君之祿是以聚

黨有黨而爭命罪孰大焉

林言人臣受其君之爵祿故以餘祿聚其私黨既有私黨

而與其君爭一旦之死命其為罪孰大於此傳言卻至無反心

士午胥童夷羊五帥甲

八百將攻卻氏

杜八百人

長魚矯請無用衆公使清沸魑助

之

杜沸魑亦嬖人。沸甫味反魑徒回反。

抽戈結社

杜社囊際。社而甚反徐而鳩反。

而

偽訟者

林偽若二人將訟曲直於卻氏者

三卻將謀於榭

杜榭講武堂

矯以

戈殺駒伯苦成叔於其位

杜位所坐處也駒伯卻騎苦成叔卻轡

溫季曰

逃威也遂趨

卻至本意欲乘君命而死今矯等不以君命而來故欲逃凶賊為害故曰威言可畏

也或曰畏當為藏

矯及諸其車以戈殺之皆尸諸朝

杜陳其尸於朝胥

童以甲劫樂書中行偃於朝矯曰不殺二子憂必及君

林言二子必為公害

公曰一朝而尸三卿余不忍益也對曰人將

忍君

杜人謂書與偃○朝如字

臣聞亂在外為姦在內為軌御姦以

德

杜德緩遠○御魚呂反下同

御軌以刑

杜刑治近

不施而殺不可謂德

臣偏而不討不可謂刑

杜不施德於三卻而遽殺之不可謂御姦之德樂范偏君而不

能討不可謂御軌之刑

德刑不立姦軌並至臣請行遂

○施如字或式鼓反

出奔狄

杜行去也林長魚

公使辭於二子

杜辭謝書與偃

曰寡

人有討於卻氏卻氏既伏其辜矣大夫無辱其復職位

杜胥童劫而執之故云辱

皆再拜稽首曰君討有罪而免臣於死君

之惠也二臣雖死敢忘君德乃皆歸公使胥童為卿公

遊于匠麗氏

杜匠麗嬰大夫家

樂書中行偃遂執公焉召士匄

士匄辭

杜辭不往

召韓厥韓厥辭曰昔吾畜於趙氏孟姬之

讒吾能違兵

杜畜養也違去也韓厥少為趙盾所持養及孟姬之亂晉將討趙氏而厥去其兵示

不與黨言此者明已無所偏助孟姬亂在八年林孟姬即趙莊姬

古人有言曰殺老牛

莫之敢尸而況君乎二三子不能事君焉用厥也

林尸主也

言老牛而殺之猶莫之敢主而況國君之尊乎二三子不能事其君而欲殺之安欲召我為也○焉虔虔反

○舒庸人以楚師之敗也

杜敗於鄢陵舒庸東夷國

道吳人圍巢伐

駕圍釐虺

杜巢駕釐虺楚四邑○道音導下同

遂恃吳

而不設備楚公子橐師襲舒庸滅之

○索他洛反

○閏月乙

卯晦樂書中行偃殺胥童

杜以其劫已故

民不與卻氏胥童道

君為亂故皆書曰晉殺其大夫

杜厲公以私欲殺三卻而三卻死不以無罪書

書僇以家怨害胥童而胥童受國討又

明卻氏失民胥童道亂宜其為國戮

經

戊子

十有八年春王正月晉殺其大夫胥童

傳在前年經在今春

告從

○庚申晉弑其君州蒲

杜不稱臣君無道林厲公弑悼公周立

○齊殺

其大夫國佐

國武子

○公如晉○夏楚子鄭伯伐宋宋魚

石復入于彭城

杜傳例曰以惡入也彭城朱邑今彭城縣○復扶又反

○公至自

晉○晉侯使士匄來聘○秋杞伯來朝○八月邾子來

朝○築鹿囿

築牆為鹿苑○囿音又

○己丑公薨于路寢○冬楚

人鄭人侵宋

杜子重先遣輕軍侵宋故稱人而不言伐

○晉侯使士魴來乞

師

音魴

○十有二月仲孫蔑會晉侯宋公衛侯邾子齊

崔杼同盟于虛打

杜虛打地闕。虛起居反打他工反

○丁未葬我君成

公

傳十八年春王正月庚申晉欒書中行偃使程滑弑厲

公

程滑晉大夫

葬之于翼東門之外以車一乘

林翼晉故都杜言不以君

禮葬諸侯葬車七乘○乘繩證反

使荀息士魴逆周子于京師而立之

杜悼公周

生十四年矣大夫逆于清原周子曰孤始願不及

此雖及此豈非天乎

杜言有命

抑人之求君使出命也立而

不從將安用君

林言人之所以求君將使其君出命令以治國既立為君而不從其命令則安

用立君為哉

二三子用我今日否亦今日共而從君神之所

福也

林恭敬事君而從其命臣盡臣道此鬼神之所福祐也傳言其少有才所以能自固

對曰羣

臣之願也敢不惟命是聽庚午盟而入

杜與諸大夫盟

館于伯

子同氏

杜晉大夫家館舍也

辛巳朝于武宮

杜武公曲沃始命君

遂不臣者

七人

杜夷羊五之屬

周子有兄而無慧不能辨菽麥故不可立

杜菽大豆也豆麥殊形易別故以為癡者之証不慧蓋世所謂曰癡林傳著悼公所以立○菽音叔

○齊

為慶氏之難

前年國佐殺慶克為于偽反難乃旦反

故甲申晦

林故字當屬上句杜

注屬下句姑從之

齊侯使士華免以戈殺國佐于內宮之朝華免

齊大夫內宮夫人宮

師逃于夫人之宮

杜伏兵內宮恐不勝

書曰齊殺其大

夫國佐棄命

林以國佐棄會伐鄭之命而先歸

專殺以穀叛故也

言國佐本

疾淫亂殺慶克齊以是討之嫌其罪不及死故傳明言其三罪

使清人殺國勝

杜勝國佐子前

年待命于清者

國弱來奔

弱勝之弟

王湫奔萊

杜湫國佐黨○湫子小反萊音來

慶

封為大夫慶佐為司寇

杜封佐皆慶克子

既

林既卒事也齊侯反國

弱使嗣國氏禮也

佐之罪不及祀

○二月乙酉朔晉悼公即

位于朝

絕朝廟五日而即位也厲公殺

始命百官

杜始為政施

舍已責

施恩惠舍勞役止逋責如字又始政反

逮鰥寡

杜惠及微林無妻曰鰥無夫曰

寡窮而無告之人。鰥古頑反

振廢滯

杜起舊德

匡乏困救災患

匡亦救也禁淫

慝薄賦歛宥罪戾

杜宥寬也。慝他得反歛力驗反宥音又戾力制反

節器用

杜

省也時用民

使民以時

欲無犯時

林不縱私欲以奪農時

使魏相士魴魏

頡趙武為卿

杜相魏錡子魴士會子頡魏顆子武趙朔子此四人其父祖皆有勞於晉國。相息

亮反頡戶結反

荀家荀會

林二荀杜注不言其所出

藥廩韓無忌為公族大

夫使訓卿之子弟共儉孝弟

杜無忌韓厥子林國語荀家悖會荀會文敏廩也果

敢無忌鎮靜使
茲四人為之

使士渥濁為大傅使修范武子之法杜

濁士貞子武子為景公大傅林范武子即士會作執秩
之法故使士貞子修之國語君知士貞子帥志博聞宣

惠於教使為大
傅○渥於角反

右行辛為司空使修士薦之法

杜辛將右行因

以為氏林士薦獻公司空使修建都邑起宮室經溝洫
之法國語知右行辛能以數宣物定功也使為元司空

○行戶郎反
薦于委反

弁糾御戎校正屬焉

杜弁糾樂糾也校正主馬官林國語知樂

糾之能御以和于政使為戎御
弁皮彥反糾居勦反校月孝反

使訓諸御知義

杜戎士尚

義荀賓為右司士屬焉

杜司士車右之官林國語知荀賓之有力而不暴也使為戎右

使訓勇力之士時使

杜勇力皆車右也勇力多不順命故訓之以共時之使

卿無

共御立軍尉以攝之

杜省卿戎御令軍尉攝御而已

祁奚為中軍尉羊

舌職佐之

林國語知祁奚之果而不淫也使為元尉知羊舌職之聰敏肅給也使佐之

魏絳

為司馬

杜魏犢子也林國語知魏絳之勇而不亂也使為元司馬

張老為候奄

林候奄中

軍主斥候之官國語知張老之智而不詐也使為元候

鐸遏寇為上軍尉籍偃為

之司馬

杜偃籍談父為上軍司馬林國語知鐸遏寇之恭敬而侵疆也使為與尉知籍偃之惇帥舊職

而恭給也使為與司馬○鐸待洛反遏於葛反徐音謁

使訓卒乘親以聽命

杜相親以

聽上命○卒子忽反乘繩證反下同

程鄭為乘馬御六駟屬馬使訓羣駟

知禮

杜程鄭荀氏別族乘馬御乘車之僕也六駟六閑之駟周禮諸侯有六閑馬乘車尚禮容故訓羣駟

使知禮林國語知程鄭端而不淫
好諫不隱使為贊僕。騶側留反
凡六官之長皆民譽

也
林皆民之所譽望者也杜大國三卿晉時置六卿為
軍帥故總舉六官則知羣官無非其人。長丁丈反

舉不失職官不易方
杜官守其業無相踰易
爵不踰德
杜量德授爵
師

不陵正旅不偪師
杜正軍將命卿也師二千五百人之
師也旅五百人之帥也言上下有禮

不相偪
民無謗言所以復霸也
杜此以上通言悼公所行
未必皆在即位之年。復

扶又
○公如晉朝嗣君也。夏六月鄭伯侵宋及曹門
反

外
杜曹門
遂會楚子伐宋取朝郟楚子辛鄭皇辰侵城

郟取幽丘同伐彭城
杜朝郟城郟幽丘皆宋邑林彭城
亦宋邑吳晉往來之道也。朝如

字郊古洽反
部古報反
納宋魚石向為人鱗朱向帶魚府焉杜五子以

十五年出奔楚獨
書魚石為帥告
以三百乘戍之而還書曰復入惡其依阻

大國以兵威還故書
復入○乘繩證反
凡去其國國逆而立之曰入林謂身本

無位本國迎而立之
以繼人後故書曰入
復其位曰復歸林謂身本有位本國迎而復其位故

書曰復歸○復
音服又扶又反
諸侯納之曰歸謂諸侯以言語告請而納之有位無位皆曰歸

以惡曰復入
四條所以為戎首稱兵入伐害國殄民者也此
謂身為戎首稱兵入伐害國殄民者也此

臣有國有
家之大例
宋人患之林宋人以楚納五大夫於彭城為患害
西鉏吾曰何

也
居西鉏吾宋大夫○鉏仕
居反徐在居反吾音魚
若楚人與吾同惡以德於我

吾固事之也不敢貳矣

林不令之臣天下所同惡若楚人與我同惡魚石等以施恩德

於我我感楚德則堅固事楚也不敢有携貳之心矣

大國無厭鄙我猶憾

言已事之則以

我為鄙邑猶憾不足此吾患也○厭於鹽反憾戶暗反

不然而收吾憎使贊其政

林收我國所憎嫉之人以為已用杜謂不同惡魚石而用之使佐政

以間吾釁亦吾患也

今將崇諸侯之姦而披其地

杜崇長也謂楚今取彭城以封魚石披猶分也○間

如字又間廁之間釁許觀反披曾彼反長丁丈反

以塞夷庚

夷庚吳晉往來之要道楚封魚石於

彭城欲以絕吳晉之道

逞姦而攜服毒諸侯而懼吳晉吾庸多矣

非吾憂也

杜使奸邪者得快其志而服從者皆有攜心毒害諸侯而隔吳晉之道使之恐懼吾之有

功多矣非宋國之憂患也

且事晉何為晉必恤之

杜言宋常事晉何為顧有此患難

○公至自晉晉范宣子來聘且拜朝也

杜拜謝公朝

君子謂

晉於是乎有禮

杜有卑讓之禮

○秋杞桓公來朝勞公且問晉

故公以晉君語之

杜語其德政○勞力報反語魚據反

杞伯於是驟朝于

晉而請為昏

為平公不徹樂張本

○七月宋老佐華喜圍彭城老

佐卒焉

言所以不克彭城

○八月邾宣公來朝即位而來見也

○見賢通反

○築鹿囿書不時也

杜非士功時

○己丑公薨于路

寢言道也

在路寢得君薨之道

○冬十一月楚子重救彭城伐宋

杜使偏師與鄭人
侵宋子重為後鎮
宋華元如晉告急韓獻子為政
於是樂書

卒韓厥代
將中軍
曰欲求得人必先勤之
林言晉欲求得諸侯之從已必先勤恤其

急
成霸安疆自宋始矣
林昔者晉文公成就霸業而致安疆之功僖二十八年亦以救

宋始事故敗楚
遂成數世之伯
晉侯師于台谷以救宋
台谷地闕。台勅才反一音臺

遇楚師於靡角之谷
楚師還
杜畏晉強也
○晉士魴來

乞師
杜將救宋
季文子問師數於臧武仲
武仲宣叔之子
對曰代鄭

之役知伯實來下軍之佐也
杜知伯荀瑩
今彘季亦佐下軍

○彘季士魴
如伐鄭可也
伐鄭在十七年
事大國無失班爵而

加敬焉禮也

林事大國之道無失班爵之序而從之杜加恭敬於其使者此事大國之禮從之從

武仲言

○十二月孟獻子會于虛打謀救宋也宋人辭諸

侯而請師以圍彭城

杜不敢煩諸侯故但請其師為襄元年圍彭城傳

孟獻子

請于諸侯而先歸會葬○丁未葬我君成公書順也

杜薨

于路寢五月而葬國家安靜世適承嗣故曰書順也

左傳杜林合注卷二十四

欽定四庫全書

左傳杜林合注卷二十五 明 王道焜

趙如源 同編

襄公一

公名午成公子母定姒諡法因事有功曰襄辟土有德曰襄

周

簡王十四年○魯襄公元年簡王崩子靈王立襄二十八年靈王崩子景王立

鄭

成公十三年○魯襄公二年成公卒子僖公髡頑立襄七年僖公卒簡公嘉立

齊

靈公十年○魯襄公十九年靈公卒子莊公光立襄二十五年莊公弒弟景公杵臼立

宋

平公四年

晉

悼公復霸元年○韓厥為政襄七年知罃為政襄十一年會于蕭魚服鄭襄十三年荀偃為政襄十五年悼公卒子平公彪立襄十九年士匄為政襄二十五年趙武為政襄二十七年晉楚盟于宋南北分霸始此

衛

獻公五年○魯襄公十四年獻公奔齊衛立公孫剽是為殤公襄二十六年殤公弑獻公復歸于衛襄公二十九年獻公卒子襄公立

蔡

景公二十年○魯襄公三十年景公弑子靈公般立

曹

成公六年○魯襄公十八年成公卒子武公滕立

滕

成公三年

陳

成公二十七年。魯襄公四年。成公卒。子哀公弱立。

杞

桓公六十五年。魯襄公六年。桓公卒。子孝公。勾立。襄二十三年。孝公卒。弟文公益姑立。

薛

詳見僖公元年。

莒

黎比公五年。魯襄公十六年。晉執黎比。公襄三十二年。黎比公弒。子展興立。

邾

宣公二年。魯襄公十六年。晉執宣公。襄十七年。宣公卒。悼公華立。襄十九年。晉執悼公。

許

靈公十八年。魯襄公二十六年。靈公卒。子楚悼公買立。

小邾

魯襄公七年。小邾穆公來朝。

楚

共王十九年。子重為令尹。魯襄公三年。子重伐吳。卒。子辛為令尹。襄五年。楚殺子辛。子囊為令尹。襄十

三年共王卒子康王昨立襄十五年子庚為令尹襄
二十一年子南為令尹二十二年遂子馮為令尹襄
二十五年子木為令尹襄二
十八年康王卒郊敖廋立

秦景公
五年

吳壽夢十四年○魯襄公十二年壽夢卒諸樊立一名
遏襄二十五年遏門子巢卒餘祭立一名戴襄二十
九年餘祭卒夷
昧立一名餘昧

越詳見隱公元年
及昭公元年

經巳元年春王正月公卽位無傳於是○仲孫蔑會晉
公年四歲

樂廩宋華元衛甯殖曹人莒人邾人滕人薛人圍宋彭

城

林討魚石也杜魯與謀於虛杼而書會者果命霸主非匹敵故

○夏晉韓厥帥師伐

鄭○仲孫蔑會齊崔杼曹人邾人杞人次于鄆

杜鄆鄭地在陳

留襄邑縣東南書次兵不加鄭次鄆以待晉師林書○次從晉而未決也亦以見復霸之難○鄆才陵反

秋楚公子壬夫帥師侵宋○九月辛酉天王崩

杜無傳辛酉九

月十五日林簡王崩子靈王立

○邾子來朝○冬衛侯使公孫剽來聘

杜剽子叔黑背子○剽匹妙反字林匹召反

○晉侯使荀瑩來聘

杜冬者十月初也王

崩赴未至皆未聞喪故各得行朝聘之禮而傳善之

傳元年春己亥圍宋彭城

杜下有二月則此己亥為正月正月無己亥日誤

非

宋地追書也

成十八年楚取彭城以封魚石故曰非宋地夫子治春秋追書繫之宋

於是

為宋討魚石故稱宋且不登叛人也

登成也不與其專邑叛君故使彭城

還繫宋。謂之宋志

稱宋亦以

成宋志

彭城降晉晉人以宋五

大夫在彭城者歸寘諸瓠丘

杜彭城降不書賤畧之瓠丘晉地河東東垣縣東南

有壺丘五大夫魚石向為人鱗朱向帶魚府。降戶江反寘之敗反執徐侯吳反又戶故反

齊人不

會彭城晉人以為討二月齊太子光為質於晉

光齊靈公太子

音致

夏五月晉韓厥荀偃帥諸侯之師伐鄭入其郭

荀偃不書非元帥。郭芳夫反

敗其徒兵於洧上

杜徒兵步兵洧水出密縣東南至長平入

穎林敗鄭徒步之兵於洧水之上非車戰也。洧于軌反。於是東諸侯之師次于郕

以待晉師

杜齊魯曹邾杞

晉師自鄭以郕之師侵楚焦夷及陳

杜於是孟獻子自郕先歸不與侵陳楚故不書。○焦如字徐在堯反。

晉侯衛侯次于戚以

為之援

杜為韓厥援

○秋楚子辛救鄭侵宋呂留

杜呂留二縣今屬彭

城鄭子然侵宋取大丘

杜譙國鄆縣東北有犬丘城迂迴疑

○九月邾子

來朝禮也

林邾宣公林襄公新立故曰禮也

○冬衛子叔

林即公孫剽

晉知

武子

林即知瑩

來聘禮也凡諸侯即位小國朝之

杜小

大國

聘焉

杜大字小

以繼好結信謀事補闕禮之大者也

林繼先君之好

結二國之信謀國家之事補過闕之舉杜闕猶過也禮以安國家利民人為大。好呼報反。

經庚寅二年春王正月葬簡王無傳五月而葬速。鄭師伐宋書伐

從告。夏五月庚寅夫人姜氏薨林襄公適母也。六月庚辰鄭

伯論卒杜未與襄同盟而赴以名庚辰七月九日書六月經誤林成公卒子僖公髡頑立。論古困反

徐胡什反。晉師宋師衛甯殖侵鄭杜宋雖非卿師重故叙衛上。殖市力反。

秋七月仲孫蔑會晉荀瑩宋華元衛孫林父曹人邾人

于戚。己丑葬我小君齊姜齊諡也三月而葬速。齊如字諡法執心克莊曰齊

或音側皆反非。叔孫豹如宋杜豹于此始自齊還為卿。冬仲孫蔑會晉

荀瑩齊崔杼宋華元衛孫林父曹人邾人滕人薛人小

邾人于戚遂城虎牢

杜以偁鄭林虎牢一名北制在漢為滎陽成臯

○楚殺其

大夫公子申

傳二年春鄭師侵宋楚令也

林楚以宋降彭城故令鄭人侵宋

○齊侯

伐萊萊人使正輿子賂夙沙衛以索馬牛皆百匹

林萊東夷

小國正輿子萊大夫夙沙衛齊寺人索簡擇好者○萊音來輿音餘索所白反

齊師乃還君子

是以知齊靈公之為靈也

林國之大事莫大于用兵今進退繫于寺人之口君子是

以知靈公之為靈者謚法亂而不損曰靈言謚應其行也

○夏齊姜薨初穆姜使擇

美櫨

櫨梓之屬。古雅反。木名。

以自為櫨與頌琴

杜櫨棺也。頌琴名。猶言雅琴。

○皆欲以送終。○櫨初覲反。

季文子取以葬。君子曰：非禮也。禮無所逆。

婦養姑者也。虧姑以成婦。逆莫大焉。

杜穆姜成公母。齊姜成公婦。林季文

子取穆姜所為之櫨與琴以葬。齊姜非尊事君祖母之禮。禮以順為敬。故無所逆。為婦之道。將以奉養其姑者。也。今取穆姜之櫨琴以葬。齊姜是虧姑以成婦。其為不順。莫大於此。○養徐余亮反。詩曰：其惟哲。

人告之。話言順德之行。

杜詩大雅。哲知也。話善也。言知者行事無不順。○話戶怪反。

季孫於是為不哲矣。

杜言逆德。一本作不為哲矣。

且姜氏君之妣也。

襄公適母。故曰君之妣。○妣必履反。詩曰：為酒為醴。烝畀祖妣。以洽百禮。

降福孔偕

杜詩周頌烝進也昇與也偕偏也言敬事祖妣則鬼神降福季氏葬姜氏不以禮是不敬

祖妣。烝之承反昇必利反洽户夾反

○齊侯使諸姜宗婦來送葬

杜宗婦同

姓大夫之婦婦人越疆送葬非禮

召萊子

林萊姜姓故召之

萊子不會故晏弱

城東陽以偁之

杜為六年滅萊傳東陽齊竟上邑

○鄭成公疾子駟請

息肩於晉

杜欲辟楚役以負擔喻

公曰楚君以鄭故親集矢於其

目

謂鄢陵戰晉射楚王目

非異人任寡人也

杜言楚子任此患不為他人蓋在已。非

異人任絕句任音王

若背之是棄力與言其誰暱我

林若

背楚從晉是棄楚救鄭之力與盟誓之言其誰肯與我

親暱。背音佩棄力服本作棄功暱女乙反徐乃吉反

左傳杜林合注

六

免寡人

林免寡人棄過背言之力

唯二三子。○秋七月庚辰鄭伯賁

卒於是子罕當國

攝君事

子駟為政

為政卿

子國為司馬晉

師侵鄭

杜晉伐喪非禮

諸大夫欲從晉子駟曰官命未改

杜成公未

葬嗣君未免喪故言未改不欲違先君意

○會于戚謀鄭故也

杜鄭人叛晉謀討之孟

獻子曰請城虎牢以偪鄭

虎牢舊鄭邑今屬晉

知武子曰善鄙之

會吾子聞崔子之言今不來矣

杜元年孟獻子與齊崔杼次于鄭崔杼有不

晉之言獻子以告知武子

滕薛小邾之不至皆齊故也

杜三國齊之屬寡君

之憂不唯鄭

杜言復憂齊叛

瑩將復於寡君而請於齊

杜以城事自晉

君而請齊會之

得請而告吾子之功也

得請謂齊人應命告諸侯會築

虎

若不得請事將在齊

杜將伐齊

吾子之請諸侯之福也

虎城

牢足以服鄭息征伐

豈唯寡君賴之

傳言荀螢能用善謀

○穆叔聘于宋通

嗣君也

林襄公新立通好於宋

○冬復會于戚齊崔武子及滕薛

小邾之大夫皆會知武子之言故也

林崔武子即崔杼杜武子言事將在

齊齊人懼帥小國而會之

遂城虎牢鄭人乃成

如孟獻子之謀

○楚公子申

為右司馬多受小國之賂以偁子重子辛

杜偁奪其權勢

楚人

殺之故書曰楚殺其大夫公子申

杜言所以致國討之文

經

辛卯

三年春楚公子嬰齊帥師伐吳

林楚始伐吳

○公如晉

○夏四月壬戌公及晉侯盟于長檟

林長檟晉地杜晉侯出其國都與公

盟于外。檟勅居反。

○公至自晉

無傳不以長檟至本非會

○六月公會單子

晉侯宋公衛侯鄭伯莒子邾子齊世子光已未同盟于

雞澤

林雞澤衛地杜雞澤在廣平曲梁縣西南周靈王新即位使王官伯出與諸侯盟以安王室故無譏

音善

陳侯使袁僑如會

杜陳疾楚政而來屬晉本非召會而自來故言如會。僑其驕

反戊寅叔孫豹及諸侯之大夫及陳袁僑盟

杜諸侯既盟袁僑乃

至故使大夫別與之盟言諸侯之大夫則在雞澤之諸侯也殊袁僑者明諸侯大夫所以盟盟袁僑也據傳盟

在秋長歷推戊寅七月十三日經誤
林諸侯在而大夫自為盟於是始

○秋公至自會無傳

○冬晉荀罃帥師伐許

傳三年春楚子重伐吳為簡之師

簡選練也

克鳩茲至于衡

山

鳩茲吳邑在丹陽蕪湖縣東今
阜夷也衡山在吳興烏程縣南

使鄧廖帥組甲三百

被練三千

杜組甲被練皆戰備也組甲漆甲成組文被
練練袍。廖力彫反組音祖下皆同被皮義

反

以侵吳吳人要而擊之

林子重止于衡山使鄧廖師
之以侵吳吳人要其中路而

擊之。要
於遙反

獲鄧廖其能免者組甲八十被練三百而已

子重歸既飲至三日吳人伐楚取駕駕良邑也鄧廖亦

楚之良也。君子謂子重於是役也，所獲不如所亡。

杜時君當

子楚人，以是咎子重。子重病之，遂遇心疾而卒。

林楚人以挑釁

生事歸咎于子重，子重亦以是為己之病。杜憂患，故成心疾。咎其九反。

○公如晉，始朝也。

杜公即位而朝

○夏盟于長檣，孟獻子相。公稽首。

杜相儀也。稽首首至地。

相息亮反

知武子曰：「天子在而君辱稽首，寡君懼矣。」

杜稽首事天子

之禮

孟獻子曰：「敝邑介在東表，密邇仇讎。」

杜仇讎謂齊楚與晉爭。

介音界

寡君將君是望。

林望晉君以安國家定社稷

敢不稽首。

傳言獻子能固

事盟主

○晉為鄭服，故且欲修吳好。

鄭服在前年。為將于偽反，好呼報反。

合諸侯使士匄告于齊曰寡君使匄以歲之不易不虞

之不戒寡君願與一二兄弟相見

杜列國之君相謂兄弟林言晉君使匄奉

使以歲事之多難不可虞度之事不可以謀不協請君戒備願與列國之君相見。易以豉反。

臨之使匄乞盟齊侯欲勿許而難為不協

林齊靈公欲不許士匄之

請而難自為不和協

乃盟於郕外

杜與士匄盟郕水名。郕音而。

祁奚請老

杜老

致晉侯問嗣焉

杜嗣續其職者

稱解狐其讎也將立之而卒

杜解

狐卒。解音蟹。

又問焉對曰午也可

牛祁奚子

於是羊舌職死矣晉

侯曰孰可以代之對曰赤也可

杜赤職之子伯華

於是使祁午

為中軍尉羊舌赤佐之

杜各代其父

君子謂祁奚於是能舉

善矣稱其讎不為諂立其子不為比舉其偏不為黨

杜諂

媚也偏屬也林稱解狐不為諂佞以媚其讎立祁午不為親比以私其子稱羊舌赤不為阿黨以其偏○諂

也檢反比毗志反

商書曰無偏無黨王道蕩蕩

杜商書洪範也蕩蕩平正無私

其祁奚之謂矣解狐得舉

杜未得位故曰得舉

祁午得位伯華得

官

林官亦位耳文勢之變

建一官而三物成

杜一官軍尉物事也林建立一軍尉之官

而得位得舉得官三事皆成

能舉善也夫唯善故能舉其類

林惟祁奚為善

人故能舉其善類○夫音扶絕句一讀以夫為下句首

詩云惟其有之是以似之

祁奚有焉

杜詩小雅言唯有人能舉似已者

○六月公會單頃公及

諸侯已未同盟于雞澤

杜單頃公王卿士林晉悼公復霸假寵于周故單子會盟于雞

澤

晉侯使荀會逆吳子于淮上

林吳通中國道自淮南故晉使逆吳子于淮上

吳子不至

杜道遠多難

○楚子辛為令尹侵欲于小國陳成

公使袁僑如會求成

杜患楚侵也袁僑濤塗四世孫

晉侯使和組父告

于諸侯

杜告陳服

秋叔孫豹及諸侯之大夫及陳袁僑盟陳

請服也

杜其君不來使大夫盟之匹敵之宜

○晉侯之弟揚干亂行於曲

梁

杜行陳次林曲梁晉地○行戶郎反

魏絳戮其僕

杜僕御也

晉侯怒謂羊舌

赤曰合諸侯以為榮也揚干為戮何辱如之必殺魏絳

無失也

林言合諸侯為會盟以為晉國之榮也揚干乃為三軍戮何恥辱如之必殺魏絳以報此恥為

我執之

對曰絳無貳志事君不辟難有罪不逃刑其將

來辭何辱命焉

林言魏絳無攜貳之志其事君也患難有所不逃不為苟免其將自來陳

其辭狀何辱君命使人執之

言終魏絳至授僕人書

杜僕人晉侯御僕

將伏劍士魴張老止之公讀其書曰日君乏

使使臣斯司馬

林斯此也使臣為此司馬之官

臣聞師衆以順為武

杜順

莫敢違林行師御衆以順承上命莫敢拒違見為威武

軍事有死無犯為敬

杜守官行

法雖死不
敢有違

君合諸侯臣敢不敬君師不武執事不敬罪

莫大焉臣懼其死以及揚干無所逃罪

林今君之師衆違命亂行是不

武也臣治軍事畏死廢法是不敬也二者之罪莫大於此臣懼不討而有死罪又以此罪累及揚干是罪重將無所逃也杜懼自不能致訓至於用鉞杜用鉞斬揚干之僕○鉞音越

臣之罪重敢有不從以怒君心

杜言不敢不從戮

請歸死於司

寇

致尸於司寇使戮之

公蹕而出

林悼公感悟乃勿遽不暇躡履蹕足走出

曰寡人之

言親愛也吾子之討軍禮也寡人有弟弗能教訓使干

大命

林使干犯軍旅之大命令○蹕先典反

寡人之過也子無重寡人之

過杜魏絳死為重敢以為請請使無死晉侯以魏絳為能以

刑佐民矣能以魏絳刑當其罪反役林反自難與之禮

食使佐新軍杜羣臣旅會今欲顯絳故特張老為中軍

司馬代魏絳士富為候奄杜代張老士楚司馬公子何

忌侵陳陳叛故也。許靈公事楚不會于雞澤冬晉知

武子帥師伐許

經壬辰四年春王三月巳酉陳侯午卒杜前年大夫盟雞澤三月無巳酉日

誤林成公卒夏叔孫豹如晉。秋七月戊子夫人嬖

子哀公弱立

氏薨

成公妾襄公母如杞姓

○葬陳成公

無傳

○八月辛亥葬我小

君定

如以無傳定謚也赴同祔姑反哭成喪皆以正夫人禮母以子貴踰月而葬連

○冬公如

晉○陳人圍頓

傳四年春楚師為陳叛故猶在繁陽

前年何忌之師侵陳今猶未還繁陽

楚地在汝南銅陽縣南○為于偽反

韓獻子患之言於朝曰文王帥殷之

叛國以事紂唯知時也

杜知時末可爭

今我易之難哉

林今我未能服

楚而反易文王之道與楚爭陳時之不可難以濟哉

三月陳成公卒楚人將伐陳

聞喪乃止

軍禮不伐喪

陳人不聽命

杜不聽楚命

臧武仲聞之曰

陳不服於楚必亡大國行禮焉而不服在大猶有咎而

况小乎

林言楚不伐陳喪以行禮於陳而猶不服於有禮雖在大國猶有凶咎而况小國乎。咎其九

反

夏楚彭名侵陳陳無禮故焉

杜為下陳圍頓傳

○穆叔如晉

林卽叔孫豹

報知武子之聘也

武子聘在元年

晉侯享之金奏肆夏

之三不拜

肆夏樂曲名周禮以鐘鼓奏九夏其二曰肆夏一名樊三曰韶夏一名遏四曰納夏一名

渠蓋擊鐘而奏此三夏曲

○夏戶雅反九夏一曰王夏二曰肆夏三曰韶夏四曰納夏五曰章夏六曰齊夏七

曰族夏八月陔夏九曰騶夏肆夏一名樊國語云金奏肆夏樊遏渠後遂分為三夏之別名呂叔玉云肆夏時

適也樊遏執競也渠思丈也

工歌文王之三又不拜

杜工樂人也文王之三大雅之

首文王杜小雅之首鹿鳴之三三拜者華林每歌一曲則穆叔一

謝拜韓獻子使行人子員問之行人通使之官。員音云曰子以君命

辱於敝邑先君之禮藉之以樂以辱吾子杜藉薦也。藉在夜反。

吾子舍其大而重拜其細林舍肆夏文王之太者不拜而三起拜謝於鹿鳴三篇之

細。舍音捨重。直用反下皆同。敢問何禮也對曰三夏天子所以享元

侯也使臣弗敢與聞杜元侯牧伯。與音預。文王兩君相見之樂

也臣不敢及杜及與也。文王之三皆稱文王之德受命作周故諸侯會同以相樂。鹿鳴君

所以嘉寡君也敢不拜嘉杜晉以叔孫為嘉賓故歌鹿鳴之詩取其我有嘉賓叔孫

奉君命而來嘉叔孫乃所以嘉魯君
林謝晉君嘉已之意此所以一拜

四牡君所以勞使

臣也敢不重拜

杜詩言使臣乘四牡駢駢然行不止勤勞也晉以叔孫來聘故以此勞之林謝

晉君勞已之意所以再拜。勞力報反

皇皇者華君敎使臣曰必諮於周

杜皇皇者華君遣使臣之詩言忠臣奉使能光輝君命如華之皇皇然又當諮于忠信以補已不及忠信為周

其詩曰周爰諮諏周爰諮謀周爰諮度臣聞之訪問於周爰諮詢言必於忠信之人諮此四事

善為咨

林此句乃總說詩中諮字之義言訪問善道乃謂之咨

咨親為詢

杜問親戚之義

咨禮為度

杜問禮宜

咨事為諏

杜問政事

咨難為謀

杜問患難乃旦反

臣獲五善敢不重拜

杜五善為諮詢度諏謀林謝晉君敎已之意此所以三拜。秋

定如薨不嬪于廟無櫬不虞

杜櫬親身棺季孫以定如本賤既無器備議其喪制

欲殯不過廟又不反哭林虞祭也

匠慶謂季文子

匠慶魯大夫

曰子為正卿

而小君之喪不成

杜謂如季孫所議則為夫人禮不成

不終君也

慢其母是不終

事君之道

君長誰受其咎

言襄公長將責季孫。長丁文反

初季孫為已樹

六櫬於蒲圃東門之外

杜蒲圃場圃名季文子樹櫬欲自為櫬。為于偽反

匠慶

請木

杜為定如作櫬

季孫曰畧

不以道取為畧

匠慶用蒲圃之櫬季孫

不御

杜御止也傳言遂得成禮故經無異文。御魚吕反

君子曰志所謂多行無

禮必自及也其是之謂乎

林此言始則季文子無禮於穆姜取其櫬及頌琴以葬齊

姜終則匠慶無禮於季孫取其樹櫨以葬。○冬公如晉定姒胞合多行無禮必自及也之助語。

聽政受貢賦多

晉侯享公公請屬鄆

杜鄆小國也欲得使屬魯如須句顓

史之比使助魯出貢賦公時年七歲蓋相者為之言鄆今琅邪鄆縣

晉侯不許孟獻子曰

以寡君之密邇於仇讎而願固事君無失官命

林言以魯國之

密邇於齊楚仇讎之國而願堅固一

鄆無賦於司馬杜

司馬文掌諸侯之賦

為執事朝夕之命敝邑敝邑褊小闕而為罪

杜闕不共也

寡君是以願借助焉

借鄆以自助

晉侯許

之為明年叔孫豹鄆世子巫如晉傳

○楚人使頓間陳而侵伐之故陳

人圍頓

間伺間缺。間間廁之間。

○無終子嘉父使孟樂如晉

無終山戎

國名孟樂其使臣林子爵也嘉父其君名

因魏莊子納虎豹之皮以請和諸

戎

杜欲戎與晉和莊子魏絳

晉侯曰戎狄無親而貪不如伐之魏絳

曰諸侯新服陳新來和將觀於我我德則睦否則攜貳

勞師於戎而楚伐陳必弗能救是棄陳也諸華必叛

頓晉師以伐戎而楚若伐陳國則晉必不能救陳是棄絕陳國之好也中國諸侯見晉不救陳必皆背叛戎

禽獸也獲戎失華無乃不可乎夏訓有之曰有窮后羿

杜夏訓夏書有窮國名后君也羿有窮君之號。夏戶雅反下皆同羿音詣

公曰后羿何如

怪其言不次故問之對曰昔有夏之方衰也后羿自鉏遷于窮石

因夏民以代夏政

杜禹孫大康淫放失國夏人立其弟仲康仲康亦微弱仲康卒子相立羿

遂代相號曰有窮鉏羿本國名。鉏仕居反

恃其射也杜羿善射不修民事而淫

于原獸

杜淫放原野

棄武羅伯因熊髯尤圉

杜四子皆羿之賢臣。髯苦門

反尤莫邦反

而用寒浞寒浞伯明氏之讒子弟也

林寒國名

浞人名伯明寒國君名寒浞乃伯明氏好讒之子弟杜寒國北海平壽縣東有寒亭。浞仕角反徐在角反

伯明后寒棄之夷羿收之

林伯明之君惡其好讒寒棄之而不用夷羿之氏也羿善

其好讒收錄而為已用

信而使之以為已相浞行媚于內杜內而

施賂于外愚弄其民

杜欺罔之

而虞羿于田

杜樂之以游田

樹之詐

愚以取其國家

杜樹立也。愚他得反

外內咸服

杜信

羿猶不悛

杜悛改也。悛七全反

將歸自田

杜羿獵還

家衆殺而亨之以食其子

林羿之家衆為浞殺羿而烹煮之以羿之肉食羿之子。亨曾彭反煮也食音嗣

其子不忍食

諸死于窮門

杜殺之於國門

靡奔有鬲氏

杜靡夏遺臣事羿者有鬲國名今平原鬲

縣。鬲音革

浞因羿室

杜就其妃妾

生澆及豷恃其讒慝詐偽而

不德于民使澆用師滅斟灌及斟尋氏

杜二國夏同姓諸侯仲康之子

后相所依樂安壽光縣東南有灌亭北海平壽縣東南有斟亭。澆五弔反豷許器反斟之林反灌古亂反

處澆于過處豷于戈

杜過戈皆國名東萊掖縣北有過鄉戈在宋鄭之間。過古何反掖

音靡自有鬲氏收二國之燼

杜燼遺民林收斟灌斟尋二國餘民之燼。燼才刃

反以滅浞而立少康

少康夏后相之子。少詩照反

少康滅澆于過后

杼滅豷于戈

杜后杼少康子。杼直呂反

有窮由是遂亡失人故也

杜浞因羿室故不改有窮之號

昔周辛甲之為太史也命百官官箴王

闕

杜辛甲周武王大史闕過也使百官各為箴辭戒王過。箴之林反

於虞人之箴

杜虞人掌

獵曰芒芒禹跡畫為九州

林自此曰字以下連十五句皆虞箴之辭杜芒芒遠貌畫

分也。芒莫郎反畫乎麥反

經啓九道

杜啓開九州之道

民有寢廟獸有茂

草各有攸處德用不擾

林民人之屬則有寢以安其生有廟以祀其死禽獸之屬則有

茂草以棲其形杜人神各有所歸故德不亂。擾如小反。

在帝夷羿冒于原獸

杜冒貪也

○冒莫報反又亡北反

亡其國恤而思其麀牡

林忘其國家之憂恤而思念田獵麀

鹿之牡杜言但念獵。麀音憂鹿牡也牡茂后反

武不可重

杜重猶數也林言有國家者不可數

重武事。重直用反下同

用不恢于夏家

羿以好武雖有夏家而不能恢大之獸臣司

原敢告僕夫

杜獸臣虞人告僕夫不敢斥尊

虞箴如是不懲乎於是

晉侯好田故魏絳及之

杜及后羿事

公曰然則莫如和戎乎

對曰和戎有五利焉戎狄薦居貴貨易土

杜薦聚也易猶輕也林以

貨財為貴重以土地為輕易。○荐在土可賈焉一也。其林

薦反又才遜反或云草也易以政反。土地所產可資邊鄙不聳民狎其野穡人成功二也。杜聳

商賈。○賈音古。懼狎習也林晉之邊鄙與戎為和更不恐懼民皆狎習

於其田野耕曰農斂曰穡收斂之人成其歲功。○聳息勇反戎狄事晉四鄰振動諸侯威懷三也。林四方諸侯皆畏威而懷德

以德綏戎師徒不勤甲兵不頓四也。杜頓鑒于后羿而

用德度。杜以后羿為鑒戒林遠至邇安五也君其圖之

公說使魏絳盟諸戎修民事田以時。杜修農民三時之事四時之田獵皆

於農隙不奪農時林傳言。○冬十月邾人莒人伐鄆臧

晉侯能用善謀。○說音悅

紇救鄆宮邾敗於狐駘

杜臧紇武仲也鄆屬魯故救之狐駘邾地魯國蕃縣東南有目

台亭。紇恨發反駘徒來反徐勅才反

國人逆喪者皆髻魯於是乎始髻

杜髻麻髮合結也遭喪者多故不能備凶服髻而已林著喪禮之始變。髻側爪反

國人誦之曰

臧之狐裘敗我於狐駘

臧紇時服狐裘

我君小子朱儒是使朱

儒朱儒使我敗於邾

杜襄公幼弱故曰小子臧紇短小故曰朱儒敗不書魯人諱之林重

呼朱儒言其知小無能為

經已癸巳五年春公至自晉。夏鄭伯使公子發來聘

杜發子產

父。叔孫豹鄆世子巫如晉

杜比魯大夫故書巫如晉

○仲孫蔑衛

孫林父會吳于善道

杜魯衛俱受命於晉故不言及吳先在善道二大夫往會之故曰會

吳善道地闕

○秋大雩。楚殺其大夫公子壬夫

林書名罪其貪

○

公會晉侯宋公陳侯衛侯鄭伯曹伯莒子邾子滕子薛

伯齊世子光吳人鄫人于戚

杜穆叔使鄫人聽命于會故鄫見經不復殊吳者吳

來會于戚林於是盟于戚吳初與諸侯盟也不書盟于晉諱也吳晉之盟春秋終諱之見哀十三年公至

自會

無傳

○冬戌陳

杜諸侯在戚會皆受命戌陳各還國遣戌不復有告命故獨書魯戌林戌

不書惟悼公之戌陳鄭也特書之

○楚公子貞帥師伐陳公會晉侯宋

公衛侯鄭伯曹伯齊世子光救陳十有二月公至自救

陳無傳 ○辛未季孫行父卒

傳五年春公至自晉

公在晉既聽屬鄆聞其見伐遂命臧紇出救故傳稱經公至以明之

○王使王叔陳生愬戎于晉

杜王叔周卿士也戎陵競周室故告愬於盟主○愬

悉路反 晉人執之士魴如京師言王叔之貳於戎也

杜王叔反

有二心於戎失奉使之義故晉執之

○夏鄭子國來聘通嗣君也

鄭僖公初即位

○穆叔覲鄆太子于晉以成屬鄆

杜覲見也前年請屬鄆故將鄆太子巫如

晉以成之。覲直歷反

書曰叔孫豹鄆太子巫如晉言比諸魯大

夫也

杜豹與巫俱受命於魯故經不書及比之魯大夫

○吳子使壽越如晉

壽越

吳大

辭不會于雞澤之故

三年會雞澤吳不至今來謝之

且請聽諸侯

之好

杜更請會好呼報反

○晉人將為之合諸侯使魯衛先會吳

且告會期

以其道遠故使魯衛先告期。為于偽反

故孟獻子孫文子會吳

于善道

二子皆受晉命而行

○秋大雩旱也

雩夏祭所以祈甘雨若旱則又修其禮故

雖秋雩非書過也然經與故雩同文是以傳每釋之日旱也雩而獲雨故書雩而不書旱

○楚人討

陳叛故

杜討治也

曰由令尹子辛實侵欲焉

林言陳之叛由令尹子辛侵欲

無藝所致

乃殺之書曰楚殺其大夫公子壬夫貪也君子謂

楚共王於是不刑

陳之叛楚罪在子辛共王既不能素明法教陳叛之日又不能嚴斷威刑

以謝小國而擁其罪人興兵致討加禮於陳而陳恨彌
篤乃怨而歸罪于辛子辛之貪雖足以取死然其王用
刑為失其節故言
不刑。共音恭
詩曰周道挺挺我心局局講事不令

集人來定

杜逸詩也挺挺正直也局局明察也講謀也言謀事不善當聚致賢人以定之。挺他頂

反局工迴反徐孔穎反

已則無信而殺人以逞不亦難乎

杜共王伐宋封

魚石背盟敗于鄢陵殺子反公子申及士夫八年之中戮殺三卿欲以屬諸侯故君子以為不可

夏書

曰成允成功

亦逸書也允信也言信成然後有成功

。九月丙午盟于戚

會吳且命戍陳也

杜公及其會而不書盟非公後會蓋不以盟告廟

穆叔以屬

鄫為不利使鄫大夫聽命于會

杜鄫近魯竟故欲以為屬國既而與莒有怨魯

不能救恐致譴責故復乞還之傳言節人所以見於戚會

○楚子囊為令尹杜公子貞○囊

乃即反范宣子曰我喪陳矣楚人討貳而立子囊必改行

杜改子辛所行○喪息浪反行如字徐下孟反而疾討陳疾急也陳近於楚民朝

夕急能無往乎林陳之土地既近於楚其國之民危急之患在於朝夕能無往從於楚乎有

陳非吾事也無之而後可杜言晉力不能及陳故七年陳侯逃歸冬諸侯

戌陳杜備楚子囊伐陳十一月甲午會于城棣以救之杜公

及救陳而不及會故不書城棣城棣鄭地陳留酸棗縣西南有棣城○棣力計反一音徒妹反○季文

子卒大夫八斂公在位杜在阼階西鄉宰庀家器為葬備杜庀具也

林季氏之宰庀其家器為喪葬之備。庀匹婢反。無衣帛之妾無食粟之馬無

藏金玉無重器備

杜器備謂珍寶甲兵之物。衣於既反食如字又音嗣重如字又直龍反

君子是以知季文子之忠於公室也

林君子觀季文子恭儉於其私家可

知其忠愛於公室

相三君矣而無私積可不謂忠乎

林非成公忘私不能

及此可謂忠矣。相息亮反積子賜反

經六年春王三月壬午杞伯姑容卒

林桓公卒子孝公句立

夏宋華弱來奔

杜華叔孫

○秋葬杞桓公

無傳

○滕子來朝○

莒人滅鄆。冬叔孫豹如邾。季孫宿如晉

行父之子十有

二月齊侯滅萊

杜書十二
月從告

傳六年春杞桓公卒始赴以名同盟故也

杜杞入春秋
未嘗書名桓

公三與成同盟故赴以名

○宋華弱與樂轡少相狎長相優又相謗

也

杜狎親習也優調戲也林華弱樂轡皆宋大夫調戲之過輒相謗也○少詩照反狎戶甲反長丁文反

子蕩怒以弓梏華弱于朝

杜子蕩樂轡也張弓以貫其頸若械之在手故曰梏○梏

古毒反

平公見之曰司武而梏於朝難以勝矣

司武司馬言其懦弱

不足以勝敵○懦弱乃亂反又乃臥反

遂逐之夏宋華弱來奔司城子罕曰

同罪異罰非刑也專戮於朝罪孰大焉

林言樂轡與華弱相狎相優其

罪本同一逐一否其罰乃異非用刑平一之道且樂
轡專輒以弓楛戮華弱於朝無君之罪孰大於此
遂

逐子蕩子蕩射子罕之門曰幾日而不我從

杜言我射女門女亦

當以不勝任見逐林幾日言不
久也。射食亦反幾居豈反

子罕善之如初

杜言子罕雖見

辱不追忿所以得安

○秋滕成公來朝始朝公也

林滕子即位始朝襄公

莒人滅鄆鄆恃賂也

鄆有貢賦之賂在魯恃之而慢莒故滅之

○冬穆叔如

邾聘且修平

平四年狐貽戰

○晉人以鄆故來討曰何故亡鄆

杜鄆屬魯恃賂而慢莒魯不致力輔助無何以還晉尋便見滅故晉責魯

季武子如晉見且

聽命

林季武子即季孫宿杜始代父為卿見大國且謝亡鄆聽命受罪。見賢遍反

○十一月

齊侯滅萊萊恃謀也

杜賂夙沙衛之謀也事在二年

於鄭子國之來聘

也四月晏弱城東陽而遂圍萊

杜子國聘在五年二年晏弱城東陽至五年四

月復託治城因遂圍萊

甲寅堙之環城傳於堞

杜堞女牆也堙土山也周城為土山

及女牆。堙音因環戶關反又音患傳音附堞音牒亦謂之陴倪徐養涉反

及杞桓公卒之

月

杜此年三月

乙未王湫帥師及正輿子棠人軍齊師

杜王湫故

齊人成十八年奔萊正輿子萊大夫棠萊邑也北海即墨縣有棠鄉三人帥別邑兵來解圍。湫子小反徐子

鳥反齊師大敗之

杜敗湫等

丁未入萊萊共公浮柔奔棠

林浮柔萊

共公名。共音恭

正輿子王湫奔莒莒人殺之

林莒附齊故殺正輿子王湫

四月陳無宇獻萊宗器于襄宮

杜無宇桓子陳桓元孫襄宮齊襄公廟

晏

弱圍棠十一月丙辰而滅之遷萊于郕

遷萊子于郕國。郕五兮反。

高厚崔杼定其田

杜定其疆界高厚高固子

經七年春鄭子來朝

音談。鄭

夏四月三卜郊不從乃

免牲

稱牲既卜日也。卜郊又非禮也。

小邾子來朝。城費

杜南遺假事難而城

之林費季氏邑自城費而季氏始強。費音秘。

秋季孫宿如衛。八月螽

無傳

為災故書

冬十月衛侯使孫林父來聘壬戌及孫林父盟

楚公子貞帥師圍陳。十有二月公會晉侯宋公陳

侯衛侯曹伯莒子邾子于郕

杜謀救陳陳侯逃歸不成救故不書救也邾鄭地○郕于

執反

○鄭伯髡頑如會未見諸侯丙戌卒于郕

杜實為子駟所弑以

瘡疾赴故不書弑稱名為書卒同盟故也如會會於郕也未見諸侯未至會所而死邾鄭地不欲再稱鄭伯故約文上其名于會上林僖公弑簡

○陳侯逃歸

杜畏楚逃晉而

歸林自是凡會同無陳矣

傳七年春鄭子來朝始朝公也

林鄭子至此始朝于魯

○夏四月

三卜郊不從乃免牲孟獻子曰吾乃今而後知有卜筮

夫郊祀后稷以祈農事也

郊祀后稷以配天后稷周始祖能播殖者

是故啓

蟄而郊郊而後耕今既耕而卜郊宜其不從也

杜啓蟄夏正建

寅之月耕謂春分林周四月是建卯之月既春分而後卜郊宜卜筮之不從也言已過時。蟄直立反。

南遺為費宰叔仲昭伯為隧正

杜隧正主役徒昭伯叔仲惠伯之孫。隧音遂

欲善季氏而求媚於南遺謂遺請城費

杜使遺請城

吾多與

而役故季氏城費

傳言祿去公室季氏所以強

○小邾穆公來朝亦

始朝公也

杜亦邾子也

○秋季武子如衛報子叔之聘且辭

緩報非貳也

杜子叔聘在元年言國家多難故不時報林子叔即公孫剽

○冬十月

晉韓獻子告老公族穆子有廢疾

穆子韓厥長子成十八年為公族大夫

將立之

代厥為卿

辭曰詩曰豈不夙夜謂行多露

詩言雖欲早夜而行

懼多露之濡已義取非禮不可妄行

又曰弗躬弗親庶民弗信

杜詩小雅言譏在位

者不躬親政事則庶民不奉信其命言已有疾不能躬親政事

無忌不才讓其可乎請

立起也

杜林言已無才能以位避讓賢者可乎杜無忌穆子名起無忌弟宣子也

與田蘇游

而曰好仁

杜田蘇晉賢人蘇言起好仁。好呼報反下同

詩曰靖共爾位好是

正直神之聽之介爾景福

杜靖安也介助也景大也詩小雅言君子當思不出其位

求正直之人與之並立如是則神明順之致大福也。共音恭

恤民為德

靖共其位所以恤民

直為正

杜正

正曲為直

杜正

參和為仁

杜德正直三者備乃為仁。參

七南反
或音三

如是則神聽之介福降之立之不亦可乎

杜言起有

此三德故可立

庚戌使宣子朝

林使韓起為卿而朝於君

遂老

杜韓厥致仕

晉侯

謂韓無忌仁使掌公族大夫

林無忌能讓所以為仁掌主也穆子初為公族大夫

令使主之為師長也

○衛公文子來聘且拜武子之言

杜緩報非貳之言

而尋孫桓子之盟

盟在成三年

公登亦登

禮登階臣後君一等

叔孫穆

子相趨進曰諸侯之會寡君未嘗後衛君

杜敵體並登○相息亮反

下同今吾子不後寡君寡君未知所過

林寡君未知何所過失而致有此不

遜吾子其少安

安徐也

孫子無辭亦無悛容

杜悛改也○悛七全反

穆叔曰孫子必亡為臣而君過而不悛亡之本也

林為人臣

而與國君抗禮有過而不悛改此滅亡之本也

詩曰退食自公委蛇委蛇

杜委蛇順

貌詩召南言人臣自公門入私門無謂從者也

杜從衡順行

不順禮○委於危反蛇以支反下同

杜衡橫也橫不順道必毀折為十四年林父逐君起本

○楚子囊圍

而委蛇必折

杜晉會諸侯

○鄭僖公之為太子也於成

陳會于鄒以救之

杜魯成公

與子罕適晉不禮焉又與子豐適楚亦

之十六年

杜魯成公

不禮焉

鄭僖元年魯襄三年

子豐欲愬

諸晉而廢之子罕止之及將會于鄒子駟相又不禮焉

侍者諫不聽又諫殺之及鄒子駟使賊夜弑僖公而以

瘧疾赴于諸侯

傳言經所以不書弑

簡公生五年奉而立之

杜僖公

○陳人患楚

楚國陳故

慶虎慶寅謂楚人曰吾使公子黃往

而執之

二慶陳執政大夫公子黃哀公弟

楚人從之

杜為執黃

二慶使告陳

侯于會

杜鄒之會

曰楚人執公子黃矣君若不來羣臣不忍

社稷宗廟懼有二圖

杜背君屬楚

陳侯逃歸

杜鄒會所以不書救

左傳杜林合注卷二十五

欽定四庫全書

左傳杜林合注卷二十六

明 王道焜

趙如源 同編

襄公二

經

丙申

八年春王正月公如晉○夏葬鄭僖公

無傳

○鄭人

侵蔡獲蔡公子燮

杜鄭子國稱人刺其無故侵蔡以生國患燮蔡莊公子○燮息協反○

季孫宿會晉侯鄭伯齊人宋人衛人邾人于邢丘

時公在晉

晉悼難勞諸侯唯使大夫聽命故季孫在會而公先歸○邢徐音刑

○公至自晉

無傳

○莒

人伐我東鄙○秋九月大雩○冬楚公子貞帥師伐鄭

○晉侯使士匄來聘

傳八年春公如晉朝且聽朝聘之數

晉悼復修霸業故朝而稟其多少

○鄭羣公子以僖公之死也謀子駟子駟先之

林謀殺子駟而

討其罪子駟乃先羣公子作難○先悉薦反又如字

夏四月庚辰辟殺子狐子熙

子侯子丁

杜辟罪也加罪以戮之○辟婢亦反熙許其反徐音怡

孫擊孫惡出奔

衛

杜二孫子狐之子

○庚寅鄭子國子耳侵蔡獲蔡司馬公子

變

杜鄭侵蔡欲以求媚於晉子耳子良之子不言敗唯以獲告

鄭人皆喜唯子產不

順

子產子國子不順衆而喜

曰小國無文德而有武功禍莫大焉楚

人來討能勿從乎從之晉師必至晉楚伐鄭自今鄭國

不四五年弗得寧矣子國怒之曰爾何知國有大命而

有正卿童子言焉將為戮矣

杜大命起師行軍之命

○五月甲辰

會於邢丘以命朝聘之數使諸侯之大夫聽命季孫宿

齊高厚宋向戌衛甯殖諸大夫會之

杜晉難重煩諸侯故使大夫聽命

鄭伯獻捷於會故親聽命

杜獻蔡捷也

大夫不書尊晉侯也

晉悼復文襄之業制朝聘之節儉而有禮德義可尊故退諸侯大夫以崇之

○莒人伐我東

鄙以疆鄙田

莒既滅鄙魯侵其西界故伐魯東鄙以正其封疆○疆居良反

○秋九月

大雩旱也○

冬楚子囊伐鄭討其侵蔡也

林果如子產之言

子

駟子國子耳欲從楚子孔子蟠子展欲待晉

杜待晉來救子孔穆

公子子蟠子游子子展子罕子○蟠居表反

子駟曰周詩有之曰俟河之清

人壽幾何

杜逸詩也言人壽促而河清遲喻晉之不可待林黃河水濁一千年而一清○壽音授或

如字幾居豈反

兆云詢多職競作羅

杜兆卜詢謀也職主也言既卜且謀多則競作羅網

之難無成功

謀之多族民之多違

杜族家也林鄭之主謀多有族類民各有心多相違

戾

事滋無成

杜茲益也

民急矣姑從楚以紓吾民

林紓緩也以紓吾民

之死○
紆音舒

晉師至吾又從之敬共幣帛以待來者小國之

道也犧牲玉帛待於二竟

林犧牲以為盟玉帛以講會杜二竟晉楚界上○共音恭

竟音

以待彊者而庇民焉寇不為害民不罷病不亦可

乎

林以待晉楚兵力之彊者而服從之以庇吾民晉楚之寇無侵暴之患害鄭國之民無爭戰之罷病○庇

必利反又音秘不同罷音皮

子展曰小所以事大信也小國無信兵

亂日至亡無日矣五會之信

杜謂三年會雞澤五年會戚又會城棣七年會鄆八

年會

邢丘今將背之雖楚救我將安用之

杜言失信得楚不足貴○背音佩

親我無成

林晉以鄭為同姓之親反不與成

鄙我是欲

杜楚欲以鄭為鄙邑而反欲與

咸不可從也杜言子駟不如待晉晉君方明四軍無闕

八卿和睦必不棄鄭杜四軍謂上中下新軍也軍有二卿楚師遼遠糧食

將盡必將速歸何患焉舍之聞之舍之子杖莫如信完

守以老楚杖信以待晉不亦可乎林人之可倚杖者莫如誠信完全守備以

乎老楚師倚杖誠信以待晉救如此不亦可乎子駟曰詩云

謀夫孔多是用不集杜詩小雅孔甚也集就也言人欲為政是非相亂而不成發言

盈庭誰敢執其咎杜言謀者多若有不善無適受其咎○咎其九反下同如匪行

邁謀是用不得于道杜匪彼也行邁謀謀於路人也不得于道衆無適從請從楚

駢也受其咎

林駢子駢名子駢決於從楚故請受從楚不當之咎○駢芳非反

乃及楚

平使王子伯駢告于晉

杜伯駢鄭大夫○駢扶賢反

曰君命敝邑修

而車賦倣而師徒以討亂畧蔡人不從敝邑之人不敢

寧處悉索敝賦以討于蔡

林言晉嘗命鄭邑修治汝之車兵倣戒汝之師旅徒衆

以討治作亂而侵畧之人蔡人不從晉之命令鄭國之君臣不敢安居悉盡敝邑之兵賦以討蔡人不服之罪杜索盡也○獲司馬變獻於邢丘今楚來討曰女何故稱索悉各反

兵于蔡

杜稱舉也○女音汝

焚我郊保

郭外曰郊保守也

馮陵我城郭

杜馮

追也林城外曰郭○馮皮水反

敝邑之衆夫婦男女不遑啓處以相救

也遑暇也翦焉傾覆無所控告杜翦盡也控引也林言盡有傾危覆滅之憂無

所控引而告訴○覆民死亡者非其父兄即其子弟夫

人愁痛林凡民之死亡於敵者非其家之父兄長上即其家之子弟卑幼夫人猶人人也○夫音扶

不知所庇民知窮困而受盟于楚孤也與其二三臣不

能禁止杜孤不敢不告知武子使行人子員對之曰君

有楚命杜見討亦不使一介行李告于寡君一介獨使也行李行

人也○介而即安于楚林受盟于楚君之所欲也誰敢

違君寡君將帥諸侯以見于城下唯君圖之為明年晉伐鄭傳○見賢

過反或如字

○晉范宣子來聘且拜公之辱

杜謝公此春朝

告將用

師于鄭公享之宣子賦標有梅

杜標有梅詩召南標落也梅盛極則落詩人以

興女色盛則有衰衆士求之宜及其時宣子欲魯及時共討鄭取其汲汲相赴。標徐扶妙反又扶表反

季

武子曰誰敢哉

杜言誰敢不從命

今譬於草木寡君在君君之

臭味也

林如草木香氣滋味之同者杜言同類

歡以承命何時之有

林遲速惟

命何拘於時

武子賦角弓

杜角弓詩小雅取其兄弟婚姻無相遠矣

賓將出武子

賦丹弓

形弓天子賜有功諸侯之詩欲使晉君繼文之業復受形弓於王。形徒冬反

宣子曰城

濮之役

在僖二十八年。濮音卜

我先君文公獻功于衡雍受彤弓

於襄王以為子孫藏

藏之以示子孫○雍於用反藏如字徐才浪反

句也先君

守官之嗣也敢不承命

杜言已嗣其父祖為先君守官不敢廢命欲匡晉君

君子

以為知禮

形弓之義義在晉君故范句受之所謂知禮

經九年春宋災

丁酉 天火曰災來告故書

○夏季孫宿如晉○五月

辛酉夫人姜氏薨

成公母

○秋八月癸未葬我小君穆姜

無傳四月而葬速

○冬公會晉侯宋公衛侯曹伯莒子邾子滕

子薛伯杞伯小邾子齊世子光伐鄭十有二月己亥同盟

于戲

杜伐鄭而書同盟則鄭受盟可知傳言十一月己亥以長歷推之十二月無己亥經誤○戲音義鄭

地
○楚子伐鄭

傳九年春宋災樂喜為司城以為政

樂喜子罕也為政卿知將有大災素

戒為備火之政

使伯氏司里

杜伯氏宋大夫司里宰

火所未至徹小屋塗

大屋

林小屋易徹故徹之以開火道大屋難徹就塗之以殺火勢

陳畚揭具綆缶

簣

籠揭土簣綆汲索缶汲器○畚音本草器也揭九錄反綆古杏反缶方九反

備水器

杜盆缶之屬

量輕重

杜計人力所任

蓄水潦積土塗巡丈城繕守備

杜巡行也大度

也繕治也行度守備之處恐因災有亂○蓄救不反潦音老

表火道

火起則從其所趣標表之使

華臣具正徒

華臣華元子為司徒正徒役徒也司徒之所主也

令隧正納郊保

奔火所

隧正官名也五縣為隧納聚郊野保守之民使隨火所起往救之○隧音遂

使華閱

討右官官庀其司

杜亦華元之後代元為右師討治也庀具也使具其官屬○庀芳婢反

向

戍討左亦如之

杜向戍左師

使樂造庀刑器亦如之

杜樂造司寇刑

器刑書林亦具其官屬如左右師○造市專反

使皇邸命校正出馬工正出車

備甲兵庀武守

杜皇鄭皇父充石之後校正主馬工正主車使各備其官○鄭音云校戶教反

出如字徐尺遂反守手又反下同

使西鉏吾庀府守

杜鉏吾大宰也府六官之典○吾音

魚令司宮巷伯傲宮

杜司宮巷臣巷伯奇人皆掌宮內之事

二師令四卿

正敬享

林二師左右二師也卿正卿大夫也二師令四卿之大夫敬用享祀

祝宗用馬于

四塘祀盤庚于西門之外

杜祝大祝宗人塘城也用馬祭于四城以禳火盤庚殷

王宋之遠祖城積陰之氣故祀之凡天災有幣無牲用馬祀盤庚皆非禮

晉侯問於士弱

杜弱

士渥濁之子莊子

曰吾聞之宋災於是乎知有天道何故

杜問宋何

故自知天道將災

對曰古之火正或食於心或食於味以出內

火是故味為鶉火心為大火

林古之火正掌火有功封為上公祀為貴神心大火

東方星也味鶉火南方柳星也或以火正配食於大火之心星或以火正配食於鶉火之柳星季春建辰之月鶉火星昏在南方則令民放火是謂出火季秋建戌之月大火星伏在日下夜不得見則禁民放火是謂內火

○味竹又反徐丁遘反出如字徐尺遂反內如字徐音納鶉音純

陶唐氏之火正閼伯

居商丘

陶唐堯有天下號開伯高辛氏之子傳曰遷開伯于商丘主辰辰大火也今為宋星然則商丘

在宋地

。祀大火而火紀時焉

杜謂出內火時

相土因之故商

主大火

杜相土契孫商之祖也始代開伯之後居商丘祀大火○相息亮反

商人閱其禍

敗之釁必始於火是以曰知其有天道也

杜閱猶數也商人數所更

歷恒多火災宋是殷商之後故知天道之災必火林日字不必疆為之說○釁許靳反

公曰可必

乎對曰在道國亂無象不可知也

林在其君行道與否耳國無道則禍亂生

殊無一定之象或多難以興其邦或無難以喪其邦不可必知

○夏季武子如晉報宣

子之聘也

宣子聘在八年

○穆姜薨於東宮

太子宮也穆姜淫僑如欲廢成公故

徙居東宮事始往而筮之遇艮之八三三杜艮下艮上
在咸十六年

三易然則雜用連山歸藏周易二易皆以七八為占故
言遇艮之八林遇艮之八前後說者皆不通遂疆指為

連山歸藏周易獨朱文公曰是謂艮之隨蓋五爻皆變
推二得易故不變愚按乾爻七九坤爻六八此其大凡

也然乾爻用九而不用七坤爻用六而不用八用九故
老陽變為少陰用六故老陰變而為少陽不用七八故

少陰少陽不變此言遇艮之八蓋艮卦六爻三上以九
變初四五以六變惟二得八不變文公之說直發明先

儒所未到。史曰是謂艮之隨三三杜震下兌上隨史
艮古根反

利故更以周易古變爻得隨卦而論隨其出也林史謂
之林此變卦蓋艮五爻皆變為隨

固之卦有君必速出林君謂穆姜必速姜曰亡亡猶無
出之義出不久居東宮

如字或音無

是於周易曰隨元亨利貞无咎

杜易筮皆以變者占遇一爻變

義異則論象故姜亦以彖為占也史據周易故指言周易以折之

元體之長也亨嘉之

會也利義之和也貞事之幹也體仁足以長人嘉德足

以合禮利物足以和義貞固足以幹事然故不可誣也

是以雖隨无咎

林元始也元之為義於時為春於德為元於五常為仁故曰體之長亨通也亨

之為義於時為夏於德為亨於五常為禮故曰嘉美之會也利宜也利之為義於時為秋於德為利於五常為

義故曰利宜之和也貞正也貞之為義於時為冬於德為貞於五常為智故曰貞事之幹也體仁體元也比

而效之謂之體體法於乾之仁乃為君長之道足以長人也得會通之嘉乃合於禮也不合禮則非禮豈得為

嘉又安得亨乎和於義乃能利物豈有不得其宜而能利物乎貞固所以能幹事也杜言不誣四德乃遇隨無咎明無四德者則為淫而相隨非吉事○長丁少反嘉德易作嘉會今我婦人而與於亂

固在下位而有不仁不可謂元不靖國家不可謂亨作

而害身不可謂利棄位而姦不可謂貞

林婦人卑於丈夫固在下位而

有淫亂不仁之事不可謂之體元欲廢成公去季孟是不安靖其國家不可謂之亨嘉作亂而自害其身幽廢於東宮不可謂之利物棄夫人之位而與僑如淫姦不可謂之貞固杜姦淫之別名○與音預姦戶交反徐如

字移叔反音效

有四德者隨而无咎我皆无之豈隨也哉我則

取惡能无咎乎必死於此弗得出矣

傳言穆姜辯而不德

○秦景

公使士雅乞師于楚

林士雅秦大夫
○雅苦田反

將以伐晉楚子許

之子囊曰不可當今吾不能與晉爭晉君類能而使之

林隨人所能各以其類而任使之

舉不失選

杜得所選
○選息慙反

官不易方

林方

猶官也所官之人不變其宜

其卿讓於善

杜讓勝已者

其大夫不失守

杜各

任其職

其上競於教

杜奉命

其庶人力於農穡

種曰農收曰穡

商工

皂隸不知遷業

林商賈遷有無者工執伎者皂隸為僕隸廝役者杜四民不雜

韓厥老

矣知螢稟焉以為政

林代韓厥將中軍咨稟韓厥以為晉政

范匄少於中

行偃而上之使佐中軍

林偃遜匄居已上使匄佐中軍偃將上軍○少詩煦反下同行

戶郎 韓起少於欒黶而欒黶士魴上之使佐上軍

林魴讓

起起佐上軍魴將下軍 魴佐之○魴於新反 魏絳多功以趙武為賢而為之

佐 林武將新軍 君明臣忠上讓下競

尊官相讓 勞職力競

當是時

也晉不可敵事之而後可君其圖之王曰吾既許之矣

雖不及晉必將出師

林雖不及晉國必將出師以踐其言

秋楚子師于武

城以為秦援

林武城楚地

秦人侵晉晉饑弗能報也

杜為十年晉伐

傳 ○冬十月諸侯伐鄭

鄭從楚也

庚午季武子齊崔杼宋皇

郕從荀偃士匄門于鄆門

杜鄭城門也三國從中軍○鄭音專

衛北宮括

曹人邾人從荀偃韓起門于師之梁

杜師之梁亦鄭城門三國從上軍

滕人薛人從欒黶士魴門于北門

杜二國從下軍

杞人邾人從

趙武魏絳斬行栗

杜二國從新軍行栗表道樹○行如字行道也

甲戌師于汜

杜衆軍還聚汜汜鄭地東汜○汜音凡

令於諸侯曰修器備

杜兵器戰備

盛饑

糧

杜饑乾食○盛音咸饑音侯

歸老幼

示將久師

居疾于虎牢

杜諸侯已國鄭虎牢

故使諸軍疾病息其中

肆青圍鄭

林肆緩也青過也肆赦宥軍之有過青者而後圍鄭杜不事圍

鄭逆服不成圍○青生領反徐所幸反

鄭人恐乃行成

杜與晉成也○恐丘勇反

中行

獻子曰遂圍之以待楚人之救也而與之戰不然無成

杜獻子荀偃也恐楚救鄭鄭復屬之知武子曰許之盟而還師以敵楚人

敵罷吾三分四軍杜分四軍為三部與諸侯之銳以逆來者杜來

也者楚於我未病楚不能矣晉各一動而楚三來故曰不能猶愈於戰杜勝

聚戰暴骨以逞不可以爭言爭當以謀不可以暴骨大勞

未艾君子勞心小人勞力先王之制也杜艾息也言當從勞心之勞

艾魚廢反又五蓋反諸侯皆不欲戰乃許鄭成十一月己亥同盟

於戲鄭服也杜鄭服故言同盟將盟鄭六卿公子騂子駟公子發

國子公子嘉孔公孫輒子耳公孫蠆子嬌公孫舍之子展

及其大夫門子皆從鄭伯

杜門子卿之適子○從才用反

晉士莊子為

載書

杜莊子士弱載書盟書

曰自今日既盟之後鄭國而不唯晉

命是聽而或有異志者有如此盟

林如達盟之罰

公子騂趨進

曰天禍鄭國使介居二大國之間

介猶間也○介音界

大國不加

德音而亂以要之

杜謂以兵亂之力強要鄭○要一遙反下同

使其鬼神不

獲歆其禋祀其民人不獲享其士利夫婦辛苦墊隘無

所底告

墊隘猶委頓底至也○歆許今反墊丁念反隘於懈反底音旨

自今日既盟之

後鄭國而不唯有禮與彊可以庇民者是從而敢有異

志者亦如之

林亦如此盟誓之罰○庇必利反

荀偃曰改載書

杜子駒亦以所

言載於策故欲改之

公孫舍之曰昭大神要言焉

杜要誓以告神

若可改

也大國亦可叛也

林若載書之言可改則大國之人亦可得而叛

知武子謂獻

子曰我實不德而要人以盟豈禮也哉非禮何以主盟

姑盟而退修德息師而來終必獲鄭何必今日我之不

德民將棄我豈唯鄭若能休和遠人將至何恃於鄭

林言

我實無德可以服鄭而疆要鄭人以為盟誓豈禮之所當然也哉既非有禮何以主諸侯之盟不如且為盟而退修我之德安我之衆而來討鄭終久必得服鄭何必欲速在於今日我若終於無德晉國之民亦將棄我豈

唯鄭國不肯服晉若能休諸侯之力以和其心遠方乃
之人猶將來至豈恃一鄭以為安哉○休許糾反

盟而還

杜遂兩用載書

○晉人不得志於鄭以諸侯復伐之十

二月癸亥門其三門

杜三門鄭門師之梁北門也癸亥月五日晉果三分其軍各攻一門

○復扶又反

閏月戊寅濟於陰阪侵鄭

杜以長厯參校上下此年不得有閏月戊

寅戊寅是十二月二十日疑閏月當為門五日五字上

與門合為閏則後學者自然轉日為月晉人三番四軍

更攻鄭門門各五日晉各一攻鄭三受敵欲以苦之癸

亥去戊寅十六日以癸亥始攻攻輒五日凡十五日鄭

故不服而去明日戊寅濟於陰阪復侵鄭外邑陰阪次

洧津○閏月依注讀為門五日阪音反又扶板反

於陰口而還

陰口鄭地名

子孔曰晉師可擊也師老而勞且

有歸志必大克之子展曰不可

傳言子展能守信

○公送晉侯

晉侯以公宴于河上問公年

林襄公幼小未冠故問公年

季武子對

曰會于沙隨之歲寡君以生

林沙隨在成十六年

晉侯曰十二年

矣是謂一終一星終也

杜歲星十二歲而一周天

國君十五而生子

冠而生子禮也

杜冠成人之禮故必冠而生子○冠古亂反下皆同

君可以冠

矣大夫盍為冠具

林大夫謂季武子何不為魯君加冠之具

武子對曰君冠

必以裸享之禮行之

杜裸謂灌也酒也享祭先君也○盍戶臘反裸古亂反

以金

石之樂節之

以鐘磬為舉動之節

以先君之祧處之

林諸侯以始祖之廟為祧

必加冠于先君之廟○視他彫反

今寡君在行未可具也請及兄弟之

國而假備焉

林魯君在于行役未可具備此等禮樂之文還及同姓兄弟之國假借鐘磬之備以

行禮晉侯曰諾公還及衛冠于成公之廟

杜成公今衛獻公之曾祖父也

假鐘磬焉禮也

林得冠禮之正

○楚子伐鄭

與晉成故也

子駟將及

楚平子孔子矯曰與大國盟口血未乾而背之可乎子

駟子展曰吾盟固云唯彊是從今楚師至晉不我救則

楚彊矣盟誓之言豈敢背之

林盟誓言惟強是從豈敢背叛其言

且要盟

無質神弗臨也

林質主也

所臨唯信

林神之所臨惟在於有信

信者言之

瑞也

杜瑞符也

善之主也是故臨之

杜神臨之

明神不蠲要盟背

之可也

林明神不以要盟為蠲潔背戲之盟可也杜蠲潔也

乃及楚平公子罷戎

入盟同盟于中分

杜中分鄭城中里名罷戎楚大夫。罷音皮徐音被中如字徐音于仲反

楚莊夫人卒

杜共王母

王未能定鄭而歸○晉侯歸謀所以

息民魏絳請施舍

施恩惠舍勞殺

輸積聚以貸

林輸盡其積聚以貸借於民

積子賜反下同聚才住反貸仲代反

自公以下苟有積者盡出之國無滯

積

杜散在民

亦無困人

杜不匱乏

公無禁利

杜與民共

亦無貪民

杜禮讓行

祈以幣更

杜祈禱於神以幣易牲

賓以特牲

杜務崇省

器用不作

林器用仍

舊不作新巧

車服從給

杜足給事也

行之期年國乃有節

林晉國上下乃

有節

三駕而楚不能與爭

杜三駕三興師謂十年師於牛首十一年師於向其秋觀

兵於鄭東門自是鄭遂服

○期音基本亦作暮

經

戌

十年春公會晉侯宋公衛侯曹伯莒子邾子滕子

薛伯杞伯小邾子齊世子光會吳于柵

杜吳子在柵晉以諸侯往會之

故曰會吳吳不稱子從所稱也

柵楚地○柵莊加反

○夏五月甲午遂滅偃陽

杜偃

陽妘姓國今彭城傳陽縣也因柵會而滅之故曰遂

公至自會

無傳

○楚公子貞鄭公孫輒帥師伐宋○晉師

伐秦

杜荀瑩不書不親兵也

○秋莒人伐我東鄙○公會晉侯宋

公衛侯曹伯莒子邾子齊世子光滕子薛伯杞伯小邾

子伐鄭

杜齊世子光先至於師為盟主所尊故在滕上林此三駕之一

○冬盜殺鄭公

子駢公子發公孫輒

杜非國討當兩稱名氏殺者非卿故稱盜以盜為文故不得言其大

夫林盜賤者也以賤者而一曰殺三卿鄭之失政甚矣是故書盜自此始

○戌鄭虎牢

明伐鄭諸

侯各受晉命戌虎牢不復為告命故獨書魯戌而不叙諸侯林向也曰虎牢今也曰鄭虎牢何不繫之鄭者為天下城之也繫之鄭者為鄭戌之也是故楚丘不繫之衛緣陵不繫之杞梁山沙麓不繫之晉皆非一國之辭也邢鄆郛繫之杞彭城繫之宋皆一國之亂也

○楚公子貞帥師救鄭

林楚數救鄭矣宣

元年為賈二年闕椒成九年子重十六年楚子十七年子重公子申皆不書至是始書救鄭以為晉悼復伯楚欲救而不能也是故書救陳見晉之終失陳書救鄭見楚之終失鄭云爾

○公至自伐鄭

無傳

傳十年春會于柤會吳子壽夢也

杜壽夢吳子乘○夢莫公反

三月

癸丑齊高厚相大子光以先會諸侯于鍾離不敬

杜吳子未

至光從東道與東諸侯會過非本期地故不書會高厚高固子也癸丑月二十六日○相息亮反下同

莊子曰高子相大子以會諸侯將社稷是衛而皆不敬

杜厚與光俱不敬

棄社稷也其將不免乎

為十九年齊殺高厚二十五年弑其君光

傳

夏四月戊午會于柤

經書春書始行也戊午月一日

○晉荀偃士句

請伐偃陽而封宋向戌焉

林向戌宋大夫以宋常事晉而向戌有賢行故欲封之為

附庸

荀瑩曰城小而固勝之不武弗勝為笑固請丙寅圍

之弗克

丙寅四月九日

孟氏之臣秦董父輦重如役

杜董父孟獻子家臣

步挽重車以從

師○董徐音謹偃陽人啓門諸侯之士門焉

杜見門開故攻之

縣門發

林縣門蓋城門之捍發之以通上下此偃陽人發縣門以閉攻門之士○縣音玄下同

耶

人紇挾之以出門者

杜門者諸侯之士在門內者也紇邾邑大夫仲尼父叔梁紇也邾邑

魯縣東南莒城是也言紇多力扶舉縣門出在內者○

耶側留反紇恨發反挾烏穴反徐古穴反出如字又尺

遂狄虎彌建大車之輪而蒙之以甲以為櫓

覆也櫓大櫓林蓋以大車輪蒙甲代大櫓之用以示有力○虎音斯櫓音魯

左執之右拔戟

以成一隊

林虎彌左手執車輪蒙甲之櫓右手自拔一戰自當一隊杜百人為隊○隊徒對反徐徒

反孟獻子曰詩所謂有力如虎者也

杜詩卿風也

主人縣布

董父登之及堞而絕之

林偃陽人縣布於城外以試外勇者秦董父緣所縣布以登其

城偃陽人伺其登城如及女牆則絕斷其布○堞音牒徐養涉反

隊則又縣之蘇而復

上者三

林董父既隊城下則又縣其布以試之董父蘇醒復緣布而上城者三次○隊直類反上時掌

反三息暫反又如字

主人辭焉乃退

杜主人嘉其勇故辭謝不復縣布

帶其斷以

徇於軍三日

杜帶其斷布以示勇○斷徒亂反徇似俊反

諸侯之師久於偃

陽荀偃士匄請於荀瑩曰水潦將降懼不能歸

杜向夏恐有久

雨從丙寅至庚寅二十日故曰久。潦音老。

請班師也。

班還知伯怒。

杜知伯荀瑩○知音

智投之以機出於其間

出偃匄之閒

曰女成二事而後告余

杜二事伐偃陽封向戌○女音汝下同

余恐亂命以不女違

杜既成改之為亂命

女

既勤君而興諸侯牽帥老夫以至于此既無武守而又

欲易余罪

林既無武功可以執守而又欲變易其罪於我

曰是實班師不然克

矣

林謂偃匄將言爾

余羸老也可重任乎

杜不任受女此責○羸劣危反重直用反

任音

七日不克必爾乎取之

杜言當取女以謝不克之罪

五日庚寅

日月四荀偃士句帥卒攻偃陽親受矢石躬在矢石間甲

午滅之日書曰遂滅偃陽言自會也言其因會以滅國非之也

與向戌向戌辭曰君若猶辱鎮撫宋國而以偃陽光啓

寡君羣臣安矣其何貺如之杜言見賜之厚無過此若專賜臣是

臣與諸侯以自封也其何罪大焉敢以死請乃予宋公

宋公享晉侯於楚丘請以桑林桑林殷天子之樂名荀偃辭杜解讓之

荀偃士句曰諸侯宋魯林言諸侯之有宋魯二國於是觀禮林宋王者後魯

以周公故皆用天子禮樂故可觀魯有禘樂賓祭用之禘三年大祭則作四代之樂別

祭羣公則用諸侯樂○禘大計反

宋以桑林享君不亦可乎

林言魯得禘樂待

賓客而宋得以桑林享晉君

舞師題以旌夏

林舞師樂師也杜旌夏大旌也題識也以大旌

表識其行列○題大兮反夏戶雅反

晉侯懼而退入于房

杜旌夏非常卒見之人心偶有

所畏林房更衣之舍

去旌卒享而還及著雍疾

杜晉侯疾也著雍晉地○著徐都慮

反壅於用反

卜桑林見

杜崇見於卜兆○見賢適反

荀偃士句欲奔請禱

焉

杜奔走還宋禱謝

荀瑩不可曰我辭禮矣彼則以之

杜以用也林言

我辭桑林之禮矣宋則用之

猶有鬼神於彼加之

言自當加罪於宋

晉侯有

間

間疾差也

以偁陽子歸

林子爵也

獻于武宮謂之夷俘

諱俘中國故謂

之夷○傳
芳夫反
偁陽妘姓也使周内史選其族嗣納諸霍人

禮也

杜霍晉邑內史掌爵祿廢置者使選偁陽宗族賢者令居霍奉妘姓之祀善不滅姓故曰禮也使周

史者示師歸孟獻子以秦董父為右

杜嘉其勇力

生秦丕茲

林董父生子名丕茲

○一本作秦不茲

事仲尼言董父以力相尚子以德相高

○六

月楚子囊鄭子耳伐宋師于訾毋

杜宋地○訾子斯反毋音無

庚午

圍宋門于桐門

林不成圍而攻其城門桐門宋城門名

○晉荀瑩伐秦報

其侵也

杜侵在九年

○衛侯救宋

杜衛獻公從晉故救宋

師于襄牛鄭

子展曰必伐衛不然是不與楚也得罪於晉又得罪於

楚國將若之何

林言必以師伐衛若不伐衛是不專心與楚也既有二心而得罪於晉國又不

專心而得罪於楚國將如鄭國何

子駟曰國病矣

師數出疲病也

子展曰得罪

於二大國必亡病不猶愈於亡乎諸大夫皆以為然故

鄭皇耳帥師侵衛楚令也

杜亦兼受楚之初命也皇耳皇武子

孫文子卜

追之獻兆於定姜姜氏問繇

杜繇兆辭繇直救反

曰兆如山陵有

夫出征而喪其雄

林言繇辭曰兆如山陵之多有大夫出往征討之事而喪失其大夫雄大

夫之象○喪息浪反下同

姜氏曰征者喪雄禦寇之利也

林言出征之夫而喪

失其雄此禦寇者之所利也○禦魚呂反

大夫圖之行人追之孫蒯獲鄭皇

耳于犬丘

○薊孫林父子
○薊苦怪反

○秋七月楚子囊鄭子耳侵我

西鄙

於魯無所恥諱而
不書其義未聞

還圍蕭八月丙寅克

杜蕭宋邑

九月

子耳侵宋北鄙孟獻子曰鄭其有災乎師競已甚

林競爭競

也言鄭師伐魯圍蕭
克蕭侵宋爭競已甚

周猶不堪競況鄭乎

杜周謂
天王

有災

其執政之三士乎

鄭簡公幼少子駟子國子耳秉政故
知三士任其禍也為下盜殺三大夫

傳

○莒人間諸侯之有事也故伐我東鄙

杜諸侯有討
鄭之事○間

間廁

○諸侯伐鄭齊崔杼使大子光先至于師故長於

滕

大子宜賓之以上卿而今晉悼以一時之宜
令在滕侯上故傳從而釋之○長丁丈反

已酉師

于牛首

杜鄭也

○初子駟與尉止有爭將禦諸侯之師而

黜其車

杜禦牛首師也黜減損林子駟以私憾黜減尉止之車

尉止獲又與之爭

杜獲囚俘

子駟抑尉止曰爾車非禮也

杜言女車猶多過制

遂弗使獻

杜不使獻所獲

初子駟為田湫司氏堵氏侯氏子師氏皆喪田

焉

杜湫田畔溝也子駟為田湫以正封疆而侵四族田○湫汎域反堵音賭或丁古反喪息浪反下同故

五族聚羣不逞之人因公子之徒以作亂

杜八年子駟所殺公子熙

等之黨

於是子駟當國

攝君事也

子國為司馬子耳為司空子

孔為司徒冬十月戊辰尉止司臣侯晉堵女父子師僕

帥賊以入晨攻執政於西宮之朝

杜公

殺子駟子國子

耳劫鄭伯以如北宮子孔知之故不死

子孔公子嘉也知難不告利得

其處也為十九年殺公子嘉傳

書曰盜言無大夫焉

杜尉止等五人皆士也大夫謂卿

子西聞盜不做而出

杜子西公孫夏子駟子林不做戒守備而出○倣音景

尸而

追盜

杜先臨尸而追賊

盜入於北宮乃歸授甲臣妾多逃器用

多喪子產聞盜

杜子國子

為門者

置守門

庀羣司

杜具稟官○庀匹婢反

閉府庫慎閉藏完守備成列而後出兵車十七乘

千二百七

十五人○藏才浪反又如字守手又反乘繩證反

尸而攻盜於北宮子矯帥國

人助之殺尉止子師僕盜衆盡死侯晉奔晉堵女父司

臣尉翩司齊奔宋

尉翩尉止子司齊
司臣子○翩音篇

子孔當國

代子

為

載書以位序聽政辟

杜自羣卿諸司各守其職位以受
執政之法不得與朝政林辟法也

○辟婢
亦反

大夫諸司門子弗順將誅之

子孔欲誅
不順者

子產止之

請為之焚書

既止子孔又勸令燒
除載書○為于為反

子孔不可曰為書以

定國衆怒而焚之是衆為政也國不亦難乎

杜難以
至治

子

產曰衆怒難犯專欲難成合二難以安國危之道也不

如焚書以安衆子得所欲

杜欲為
政也

衆亦得安不亦可乎

專欲無成犯衆興禍子必從之

林專一己之欲不得成功犯衆人之怒必興禍

難子必從衆以焚載書

乃焚書於倉門之外衆而後定

杜不於朝內燒欲使

遠近見所燒

○諸侯之師城虎牢而戍之晉師城梧及制

杜欲

以偪鄭也不書成魯不與也梧制皆鄭舊地○梧音吾

士魴魏絳戍之書曰戍鄭

虎牢非鄭地也言將歸焉

杜二年晉城虎牢而居之今鄭復叛故修其城而置戍鄭

服則欲以還鄭故夫子追書繫之于鄭以見晉志

鄭及晉平○楚子囊救鄭十

一月諸侯之師還鄭而南至於陽陵

杜還繞也陽陵鄭地○還戶關反徐音惠

楚師不退知武子欲退曰今我逃楚楚必驕驕則可與

戰矣

杜武子荀螢林言今我逃避楚師楚必驕侈自大驕則不修守備可以與楚戰矣

欒黶曰

逃楚晉之恥也合諸侯以益恥不如死我將獨進師遂

進己亥與楚師夾潁而軍

杜潁水出城陽至下蔡入淮

子蟜曰

杜公孫黃

諸侯既有成行必不戰矣

杜言有成無之志

從之將退不從亦

退

從猶服也

退楚必圍我猶將退也

林楚見晉退必來圍鄭晉雖見楚圍鄭猶將退

師而去

不如從楚亦以退之

杜以退楚

宵涉潁與楚人盟

杜夜渡畏

晉知之

欒黶欲伐鄭師

杜伐涉潁者

荀螢不可曰我實不能禦

楚又不能庇鄭鄭何罪不如致怨焉而還

杜致怨為後伐之資○禦

魚呂反 必利反

今伐其師楚必救之戰而不克為諸侯笑克

不可命

勝負難要不

不如還也丁未諸侯之師還侵鄭

北鄙而歸

杜欽以

楚人亦還

杜鄭服

○王叔陳生與伯

與爭政

二子王卿上○與本又作與音同

王右伯與

右助也○右音又

王叔陳

生怒而出奔及河王復之

欲奔

殺史姦以說焉

杜說王叔也○

姦古卯反說音悅又如字

不入遂處之

杜處叔河上

晉侯使士匄平王室

王叔與伯與訟焉

杜爭曲直

王叔之宰

宰家臣

與伯與之大夫

瑕禽

瑕禽伯與屬大夫

坐獄於王庭

獄訟也周禮命夫命婦不躬坐獄訟故使宰與屬大

夫對爭
曲直

士句聽之王叔之宰曰簞門閨竇之人而皆陵

其上其難為上矣

杜簞門柴門閨竇小戶窄壁為戶上
銳下方狀如圭也言伯與微賤之家○

簞音必閨音圭
亦作圭竇音豆

瑕禽曰昔平王東遷吾七姓從王牲用

備具王賴之而賜之駢旒之盟

杜平王徙時大臣從者
有七姓伯與之祖皆在

其中主為王備犧牲其祭祀王恃其用故與之盟使世
守其職駢旒赤牛也舉駢旒者言得重盟使世守其職
駢旒赤牛也舉駢旒者言得重盟不以犬雞○從
才用反又如字駢息營反字林許營反旒音毛

曰世

世無失職若簞門閨竇其能來東底乎且王何賴焉

言我

若貧賤何能來東使王恃其用
而與之盟邪底至也○底音旨今自王叔之相也政以

賄成

林隨財賄之多少以制其政

而刑放於寵

林視寵臣之厚

薄以專

官之師旅不勝其富

師旅之長皆受賂○勝音升

吾能無簞

其刑

門閭實乎

言王叔之屬富故使吾貧

唯大國圖之

杜圖猶議也

下而無直

林在下而無求直之地

則何謂正矣

正者不失下之直何或作可誤也

范宣子曰

天子所右寡君亦右之所左亦左之

宣子知伯與直不欲自專故推之於

王○右音又左音佐左右亦位如字

使王叔氏與伯與合要

杜合要辭王叔氏

不能舉其契

杜理曲無以為答故不能舉其契要之辭○契苦計反

王叔犇晉不

書不告也單靖公為卿士以相王室

代王叔

左傳杜林合注卷二十六